

全

山本直道

數朶依然籬外色風過恰有暗香飄名花自似英雄士夜々嚴霜未肯凋

全

山本規矩三

落木籬邊三兩莖冒霜續々吐金英賞情元不在紅紫一片幽香費品評

全

西谷乙彌

一段風流瓊蕊新新霜隕後最精神莫言滿眼無知己耐久黃花是故人

全

小森季彥

方是青霜紅葉晨籬邊黃菊最清新無涯赴々武夫裏蕊々風高即哲人

全

深澤和平

犯寒孤秀色玲瓏春草千枝迥不同晚節清香花未落一園繁蕊耐霜風

全

山本章夫

滿目飛霜肅殺時懶依樹下計蕃滋菟葵燕麥何爲者搖動春風不自持

全

田邊新之助

晚榮千載傲霜姿遺愛偏憐瘦蝶知猶有依然存馥郁丹心擡起倚疎籬

全

根津真人

紅白鬪妍彼一場不如粲々殿秋光素葩何似英雄跡獨有乃公留此芳

全

岡貞智

衆卉皆凋渠獨香依然不肯避風霜東籬耐久真堪賞賞自重陽到一陽

全

田風蘿

十有三莖黃菊披金葩玉葉一叢奇霜餘窈比吾公見恰似胸中快々時

全

米倉貞輔

夜々秋悲入夢狂起倚籬下訪殘香數枝白菊真耐駭細視凋花々上霜

全

安藤伸太郎

十月東籬未脫裝黃葩紫蒂弄秋光請看夜々風霜後猶令寒蜂尋晚香



全

新田錦峯

經過重陽轉寂然荒園纔有菊花妍金英馥露氣逾淨玉蕊傲霜容更鮮  
已醉籬邊陶令酒未看藏裡沈郎錢有情士庶豈無耻無意花猶晚節全

全

鶴田祐俊

曾栽炎熱日秋晚殖枝來欲爲衆芳殿向寒花正開

全

窪木江南

風姿清絕超群芳不做凡桃俗李妝試把古賢相比去耐霜一朶是天祥

全

久保田政舉

所向無前中國天功兼管樂節尤堅依稀霜後如幽菊配醜流芳三百年

全

堀江半峯

何妨霜打又風吹落盡群葩獨自奇有似古人持節操幽芳抵死不辭枝

全

黑田正太郎

菊兮菊兮持高節櫻兮梅兮孰優劣漉々冷露神仙餐滿圃新霜紅玉綴  
殘蝶尋芳夢魂迷閑雀啄花光彩滅人間名士即菊花毅然不屈是英傑  
唯應唾手取功名何必區々滯巖穴吾邦獨有吉川氏運謀決機逐先哲  
酒色傷身自古然斯公居然心如鐵誰知菊花是前生英才絕特天所設  
酣戰揮刀有霜威紅花變成人間血鮮血淋漓流漂杵大聲一呼天欲裂  
花神恐是讓其清直視群雄如蟻蛭嗚呼陶潛亦何心徒向東籬稱隱逸  
不如此公爲眞友滿胸義氣永凝冽

全

松井狂哉

李桃輕躁士晨郁夕無芳枯菊豪雄性盛香衰更香

全

全

姿似槁枯憔悴人操如隱逸拔羣倫縱令殘葉碎霜雪豈伴寄奴失性眞



全

凌霜犯雪短籬下花色雖衰操未衰犯雪只期松柏節凌霜却笑芝蘭萎

全

蕭颯又蕭颯只看有菊華霜間存玉蕊露下濯金葩屈子詩情淡陶公酒

味加比來桃與李畢竟穠斯花

全

柳生 枕泉

秋霜無飽一般均紅紫白黃芳菊新重九已過猶引興清香馥郁撲於人

全

今小路行陳

不同桃李易飄零久駐秋黃々滿庭所謂是為霜下傑衝霜却看現精靈

全

高橋 柳溪

霜路全乾夕日斜尋詩徐到故人家此園園主風流甚僮僕皆能愛菊花

全

全

曉光相映滿荒園不效童兒掩小門一種養成霜後色野翁手自掃籬根

全

萩原 謙次

重九過來已一旬依然黃色立霜晨若將晚節比名士未讓鞍頭顧眄人

全

田村由太郎

容貌依然籬下花傲霜冷々野人家不傷秋晚華顏老尤覺殘時芳氣加

被苦凍風求宿蝶忽疑白雪欲明鴉休作凡卉同一看未曾飄散入塵沙

全

扇 谿 恕

千紅萬紫入秋狂渾莫儼然正色粧一夜寒霜張意處東籬君子著黃裳

全

佐久間 寬

一夜颼風繞短墻朝來乍見滿林霜群芳百卉渾荒廢贏得菊花無限香

全

野口 閒雲

霜墜寒聲響幽庭未菊衰淡黃稱第一秋晴若此希



全

小栗德方

霜餘更見菊精神隱逸風標自出塵恰似兵氛漲天日北窓高臥是其人

全

全

不願朱門萬戶封田家籬落寄幽慵憐他勁節風霜底傑立吹香有笑容

全

全

誰將隱逸推斯君其德似未盡十分吾憶花中孟之反獨殿群芳不伐勳  
君不見老蘇曾做霜下傑此言然矣又何云今及賦霜菊有此感公家遺  
德與菊芬

全

永井精文

三徑風荒霜滿丘東籬叢菊使人愁依然唯有清香在衰葉衰花不耐秋

全

全

白霜如雪菊叢荒朝夕步園心更傷枝葉委塵香不委識君堅節百花王

全

守田敬齋

泡露傲霜金疊黃清妝早已過重陽功名晚節人皆逝馥郁遺芳千歲香

全

原昌胤

凜々月光香氣清凌霜傲雪守幽貞歲寒松柏定兄弟不羨芳菲三日榮

全

松田敏

瘦莖寒蕊野人粧立盡西風三徑荒晚節秋香逾馥郁此花盤錯是新霜

全

今村季治

雨霽庭前秋色哀斯時獨坐得詩媒東籬幾度戴霜露猶笑菊花亦妙哉

全

河村禎

霜威如刃草皆摧秋晚園林肅殺催籬下金英無伐色幽香能殿百花開

全

岡崎章介

茉莉牽牛競艷姿霜風繞動即傷萎誰知紫瘦紅殘日獨發金英據短籬



全

一自青娥降九霄秋園芳事屬蕭條黃花獨似陶元亮不爲權家肯折腰

全

長井唯宴

桃白李紅勝百花凌霜傲雪節無差滿香薰處人行立擬得名園高士家

全

佐藤平次郎

節過重陽荐有霜此君籬落獨擅場白衣送酒人歸去亂葉殘葩猶自香

全

勝田如雲

青女妬秋威力強金英爲損一籬黃孤根不屈寒霜底三百年來晚節芳

全

佐藤信寬

如奈霜威敵醉寒花勁操獨難撓重陽不摘無遺憾看做韓公晚節高

全

阪本協

艷紫妖紅夢一場各迎春色圖新妝不如寒雨勁霜底獨有此花殿衆芳

全

外浦文德

一株亭菊色淒蒼泣雨號風葉已黃愛足野畦毫不恨寵多禁苑豈曾傷  
枝枯根再生陶宅花亂容仍入帝章堪賞榮名與節操幾經千歲至今芳

全

平野牧彥

五柳先生曾手移人間長見有斯枝幽香透屋秋千古濃露涓園夜幾時  
安石孤唸背眞性坡翁一句占清奇此花本色宜霜後素月青松是舊知

全

吉田乙雄

蕭寂秋風到處同丹楓黃樹半零紅豔然獨在傲霜菊猶見東籬金一叢

全

柴尾章作

仙姿馥郁交花叢侑酒還連宴會中晚節風霜摧美樣芳名不朽到無窮

全

研里老圃寅

寂々東籬絕履綦誰憐霜後傲寒枝此生不肯由人熱慵向重陽一樣披



全

杉村景之

芙蓉老去槿花空戲蝶狂蜂已夢中獨有芳心全晚節高姿不屈傲霜風

全

温品月坡

大東賞菊盛於唐不啻屈餐陶酒狂菊水忠兮菊池義傲霜到節萬年芳

全

全

清姿獨殿萬家庭歷盡秋風晚節馨花兼山野千般色葉與松筠一樣青  
傲霜却笑淵明醉戴雪長延彭祖齡莫把品題歸草本當斯天上老人星

全

藤田義輔

乍被凜風色益黃堪憐三逕未全荒天公故借嚴霜手欲試寒英晚節香

全

河內淡哉

獨避繁華桃李場珊瑚殘菊有餘芳秋風難耐千金力籬下折腰猶傲霜

全

曾我少一

不媚東風却傲霜殘芳曾自占秋光人知固好不知好開落籬中晚節香

全

瀧原省三

凜々霜威難與爭凡叢俗樹落無名寒枝勁立東籬下特守孤根晚節清

全

熊谷時之助

庭前草老虫聲瘖又覺風光秋更加冷艷堪霜寒窓曉黃花未必讓梅花

全

小林靜枝

秋盡幽庭寒鳥呼纔留細菊兩三株鮮々姿態真可愛脉々微香亦自殊  
梅樹只思爭傲色楓林已破未凋枯曉風凜烈嚴霜底獨有此花興不孤

全

安達秀實

東籬霜打錦雲上金色依然芳有餘休說清香頽晚節盤根終不被人鋤

全

青季候

千種裁金又折銀晚芳何減傲霜新有情無語漫如笑俗李凡桃未去人



全

不競春芳幾百叢朝々含笑立霜風就荒三徑秋蕭寂只吊騷流舊主公

全

佐伯 哲

霜風一到野庭荒衆木看來盡殘傷只有籬邊幽艷色深秋獨秀自含芳

全

一山 直祐

東籬月下妬春芬紫白紅黃芳葉分風霜枝々花未散天香長就庭中曠

全

柳田 一郎

陶家籬落秋將老蕭颯西風霜已深素葢瓏斑三逕雪黃葩狼籍一庭金  
踈々瘦影無人摘細々殘香有蝶尋休道折腰無氣力分明留得傲霜心

全

宮田 渡人

菊花分種艷容斑香穿霜籬羞老顏隔戶寂寞無客訪悠然自似對南山

全

長井 誠吉

滿霜如雪擁村扉努力書窓一夜輝只有菊花偏得意更抱寒水染紅衣

全

三須 般一郎

月落風淒霜曉天庭荒草死獨鮮妍世人爭賞春芳好吾愛凌寒守節堅

全

小原 聞一

雪滿遠山霜壓墻庭蟲韻瘦自淒涼此間風物有誰領一色籬花放晚香

全



題馬山陣圖

正五位 南部利恭

報國丹心堅若城不將衆寡決輸贏請看當日馬山陣窳屈東來數萬兵

全

從五位 松平信正

何者黠奴侵我疆慨然來陣馬山陽天寒大雪士氣肅釋甲呼酒瀝鐵腸  
毀舟絕橋有成算眼中此際無猿郎准陰背水何必戰子玉被酒豈同量  
京洛一夜將星落乞和於我我武揚請看倚柱鼾眠裏八萬敵軍收鋒鋌

全

從五位 內藤政舉

馬山積雪滿軍營截絕橋梁勵死兵釋甲寒天爐火酌奇謀一夜掣長鯨

全

從五位 池田政禮

兵營肅々建旌旄睥睨東軍意氣豪經過星霜三百載英名高似馬山高

全

從五位 山口弘達

湖山堅陣雪紛々快飲圍爐對大軍勇膽當年攘敵事到今圖卷帶餘薰



全

榎村 正直

馬山雪滿寂孤營退却猿郎八萬兵他日碧蹄君若在敢教阿弟擅功名

全

三島 毅

種石城高石屹々誰軍其上豐秀吉騎兵八萬簇如雲一蹴何地有完物  
下瞰馬山如平途山背一川左右湖吉川海翁實守此部卒六千軍勢孤  
海翁度量大於海豫撤橋梁必死待屬將不知准陰略排闥入諫何庸猥  
翁笑不聽屬一杯緩酌高談爐火煨醉臥不讓亞夫膽鼾睡齣驗響如雷  
回頭敵陣雨雪蒙一夜不眠立凍風英雄亦知英雄略一遁不陷我術中  
君不見十有三州戡定日手抄太平記幾帙靜以制動緩應急即是海翁  
好秘術

全

依田 百川

盍留飲酒天大雪此公肝腸是鍊鐵八万精銳何能爲鼾聲如雷夜帳熱

全

神波 桓

風雲慘澹來中原猴郎意氣山河吞鳥城既陷丸山急馬塵掩日旌旗昏  
斷橋壞舟絕走路必死當敵不一顧進死退死死一耳誓將馬山爲墳墓  
遺恨無地伸雄圖不伍當年絳灌徒鮭魚害瘡我甘食吾豈屈首拏鞋奴

全

谷 鐵臣

鐵騎雲屯種石城下瞰馬山如建瓴背水忽布淮侯陣此時性命鴻毛輕  
兩雄鬪智不鬪力神鬼出沒天地驚朔風吹雪透虎幕頻浮大白談縱橫  
老臣失措囁嚅退乃公目中無全兵敵營一空酒未醒鼾雷却勝叱咤聲

全 傲李西淮  
樂府體

杉浦 誠

凍雪嚴風壓兩營唉呼杯酌臥談兵一場寒殺猿郎膽即是斯公醉鼾聲  
兄善戰弟善謀十三州唾手收不擇其美擇其醜古來名將皆低首七十



餘戰苦幾回陣于馬山尤壯哉睥睨敵軍八萬騎醉眠帳裡鼾如雷

全

赤松渡

元龜九年十月天大雪左右湖山道路絕仰見敵兵八萬人刀戟森然威武烈四面峯巒白如銀凍月在空水聲寒三人圍爐親相語餘裕綽々醉而眠三澤益田何爲者敢怖敵銳自卑下大將別有所思在撤橋梁兮毀舟舸君不見攻者守者難弟兄不似讀父書輕用兵

全

山內 觀

想昔元龜天正年群雄逐鹿爭後先宛如春秋無義戰弱肉強食互悍然山陽獨有真主出扶植皇道庭訓傳宗子維城不使壞伯墳仲篋稱兩川英風最欽馬山陣敵騎八萬我六千髣髴淮陰背水略斷却橋梁毀却船滿目風雪湖山夕凍殺猿郎不肯前置酒笑談紅爐底一醉駒々枕甲眠誰圖叢爾孤壘壁士氣奮旺鐵石堅東軍不戰膽先落悄悄曳兵走且顛

此彼英豪始相見孰是勇怯孰媿妍當時山陰獵虎將宜矣景慕欲執鞭豐公一朝得雲雨席卷海內勢滔天楚人沐猴冠冕日幾多狗尾續貂蟬我膝豈同奴輩屈營得菟裘龍在淵曾把國史手自寫常鑑南朝忠臣躔吁嗟族秦者秦非天下豐家二世亦可憐黃金鑄馬光何似千秋明月照馬山君不見積德之家有餘慶吉川悠々自原川焄蒿悽愴三百載芝蘭玉樹鎮纒綿

全

山田 東平

山城醉臥駟駒々膽略如公少匹儔爲重宗家偏竭力以居人下自成羞從知善戰類孫策又思醜妻同武侯畢竟猿郎馴不得浮沈隨浪一閑鷗

公法號隨浪院  
海翁結故及

全

水谷 弓夫

百戰場頭不顧躬到今豪爽仰英風十州雲雨留餘勢宗國山河賴舊功



寫史猶同元凱癖發梁何異武安雄軒雷尤是震千古氣凜大營寒雪中

全

小菅 揆

遙仰悲笳和雪傳馬山殺氣夜凄然自非英將渾身膽爭耐重圍被酒眠

全

江連 堯則

部勒精兵將有徯滿天殺氣壓山谿東軍進陣石城後高壘未叨鳴鼓聲

全

全

休言敵衆遽難當釋甲倏然且酌觴恰是軍門好下物北風瑟瑟雪飄颺

全

全

立向前山看一看東兵亦復得無寒勦聲雷動爐邊睡這個胸懷於海寬

第二句用元春公當日語

全

全

井陘死地絕梁津部下六千豪氣振恰是吉公用兵妙遣他銃手試東人

全

近藤 幸殖

東軍瞰視馬山頭雪亂寒空殺氣浮八萬敵窺虛實頓六千兵待命令休圍爐呼酒且閒話毀楫斷橋看好謀二客欲言々未發已聽醉軒響勦々

全

濱 郁 大 澥

十月馬湖雪朔風南鴈絕巨鯢捲海來睢陽已炊骨 公是揚鷹姿結髮

上將壇夙負山北任沈機排急難淮陰藏妙算李廣解征鞍帷幕深杯酒

笑譚器宇寬此中引不發竟折英雄肝

全

增 山 守 正

毀楫絕橋英氣豪孤軍輕命是毫毛寬能制急諸三略剛以鼓柔真六韜八萬敵兵如畏虎數千親卒似驅濤滿營風雪一杯酒節操高於馬嶺高

全

總 生 寬

欲破重圍已恨遲孤軍遠出不辭危此公戰略超然處最在馬山風雪時



全

神山述

風旆翩翻警柝鳴曉來雪壓馬山營雄懷更灑三盃酒下視猿郎十萬兵

全

雙橋漁逸英

勅敵四圍屯似雲從容對客酒方醺誰知鼾睡胸々響退却貔貅百萬軍

全

土屋弘

撤去橋梁毀舟舶背水之陣遠追跡談笑把酒畫籌策偏師一擊敵驚魄  
他年宗家全封城夙示兵威在此役

全

劉大耳

敗毀楫舟容宛地韓家背水是吾師一場閑話一場夢堪想馬山對陣時

全

卓齋生卓藏

敵在前頭幾萬兵馬山風雪守孤營防寒一夜空酣醉勝略誰知睡裏成

全

三村邦功

千古快事寧有此孤壘酣飲敵軍裏不論敵帥蓋世雄不省風雪凍墮指  
兩裨逡巡醒不諫怪他主將鼾聲晏地形見來非暴馮四方有山又有澗  
馬山陣對種石城六千頡頏八萬兵我馳彼避追不許戰機尤見兩雄精  
君不聞江家軍鋒有兩川大川神勇最無前惜哉小川過深慮講和僅保  
八州天遂為猴郎所馳使恨事大川快々死後來小川屬征韓碧蹄戰譽  
擅青史嗚呼碧蹄戰功今古無豈知吉公決策類金吾欲知兩川勳業美  
請看馬山快陣圖

全

不破三樂

孤城恰是在湖心湖天飛雪暮沈々山上敵兵將凍死城中溫酒擁爐斟  
醉來鼾睡如雷吼趨捷猿郎不得侵釀酒臨江曹孟德囊砂背水韓淮陰  
良將督軍其揆一英風雄略無古今况復勤王翼宗國偉功長使後人欽



全

近藤瓶城

背水陣成縱醉眠吉川膽略有誰問半宵只此一鼾睡令嚇猿郎逸馬山

全

溝口恒

室町霸衰隙可乘天下瓦解又土崩六雄蠶起爭一鹿織田氏亡豐氏興  
所謂春秋無義戰皇綱解紐互相凌洞春公子冒佗姓臣事父兄盡股肱  
鵲鶴原上重倫理七十六戰屠龍似左右湖山背大川馬山之陣示必死  
輕視衆兵勳寡兵釋甲舉杯慰將士朔風凜々雪紛々駒鼾聲邊敵弃壘  
憤餘發疽終不治三百年祭盛典儀天若使公借遐壽攝都偉業未可知

全

平井保正

咄被猴奴着先鞭馳到伯耆彼亦先種石城外馬山聳左右湖山後巨川  
元龜之冬天大雪乘雪斃將敵氣折死地布陣是神籌撤橋毀舟走路絕  
何事宿將徒怯驚不知此公韜略明君不見爐邊把酒沈々醉鼾睡何憂

八萬兵

全

小山朝弘

猿郎偉略邁千古七道逡巡避其武山陰有人才絕倫斫陣拳旗驚鬼神  
寡能逆衆倚危嶮三方背水啓前門囊沙寧傲淮陰智沈船暗同項藉志  
釋甲舉杯風雪夜鼾睡勳々震旗職氣騰如虹貫寒空猿郎在山爛雙瞳  
見幾亦早斂兵去不敢冒進撻銳鋒時哉鹿遂落渠手驅使群雄如逐狗  
斯公志節山岳高終身未肯低其首明治天子眞聖明遠追前烈賜褒榮  
裔孫遺臣仍歷々盛設祭儀竭虔誠縣社輪奐呈祥兆威靈長被海西表

全

安部榮

山突兀兮水淼漫雪正飛時風正寒孤城新陷敵兵銳大舉來犯似狂瀾  
誰當之者吉川氏其勇其豪本無比麾下貔貅六千人誓爲故將期必死  
項藉自督鉅鹿兵韓信更布淮上營絕橋梁又毀舟筏置之亡地求活生



阿瞞何事思雞肋魏人相引去境域殷血未濺腰間刀遺憾無用我武力  
予對此圖想英姿意氣凜然捲旌旗君不見一生不屈平生膝慚殺當年  
猿面兒

全

岩溪 晉

八万貔貅不敢攻馬山艸木帶威風撤橋豈襲古人智拔幟休誇希代功  
幾處干戈馳羽檄傳家韜略出英雄誰知破竹東來勢已挫駒々軒睡中

全

山田 安榮

苑地軍屯意氣剛湖山寒日雪花狂干旗冰結指將落幔幕風號馬欲僵  
猛虎負嵎難試弩潛竜伏水豈行航捷機旣在鼻雷裏壓倒東來猿面郎

全

須永 壯

傑然鞭策立殊勳踏破山陰燕雀群智力偏堪服衆將壯心猶見守孤軍  
駿々車馬遙衝雪子々干旄高拂雲休問二君何所作爐邊只合謝慇懃

全

旗野十一郎

朔風吹旆雪紛々幕裡成煙亂若雲壯士把盃有憂色主將溫坐笑露猷  
誰作此圖何雄雋乃知吉公馬山陣維時天正九年冬東軍八萬勢霆震  
動則如風靜如林此公膽氣不得侵渭水毀舟絕退路南塘解甲鎮士心  
勸酒先塞福禱語明朝一戰寧足慮斯意猿郎獨識之却制驕卒掃營去  
攻守兩將俱中權用兵之鑒可以傳畫卷閱時恰十月窓前風雪似當年

全

小菅五郎

豈對猿郎甘屈撓馬山之役氣何豪滿營風雪滿尊酒一醉陶然鼻息高

全

園田謙吾

四海鼎沸極亂離地如博局人如碁興亡勝敗無義戰師出有名知是誰  
甲越蝸蠻爭北壤薩肥疆場掠西陲尾張姦雄挾權數名勤王室實自資  
請之天子討亂賊藝侯三位絕倫姿一舉報讐答遺託防長誰不服義旗



銳鋒所向如破竹竟見陰陽從指麾十有三州歸掌握剪滅全終其姓尼  
吾援僧徒送糧艦誰啓兵端吉法師何者孤臣孽子族流離困頓又歸之  
鹿之斯奔雖無慮教猱升木事可思侵因屠質脅豐國攻備灌城窘宗治  
長兵來迫馬山壘坐挫勁敵誠在茲湖掖左右川塞後纔通一橋稍相持  
淮陰背水法排正諸葛開門計亦奇却毀舟楫絕走路陣中無人不危疑  
此時上天方降雪弓刀欲執手皆龜蔡城殲虜奏功日普第圍爐溫酒時  
鼾睡聲中計略就穿塹植柵敢交綏曉來逆戰斃敵將萬兵繼踵忽離披  
誰將軍者吉川子驍勇果決無不爲嘗與賢弟助乃父鴻業偉勳天下知  
日卿應南我襲北大小緩急須適宜兩雄所見元同軌猿郎不戰公不追  
霸者有命可何若羞爲奴輩所驅馳憤激所積成心疾發爲背疽不可醫  
君不見夙娶醜女生將種明哲保宗真獅兒雲仍綿々三百歲千秋血食  
薦明棗今日秋嘗當大祭烹蒿無路拜崇祠遙欽英風作何頌謳歌聊代

七言詩

全

根津真人

爐酒買歡膽何大夜深四面敵如雲馬山枕戟穩眠裏坐屈猿郎十萬軍

全

全

當年割據卷腥風經略無方豈稱雄美矣山陽舊封土藉公一臂歛全功

全

市邨謙

旌旗飄雪馬山風挫敵謀成鼾睡中請看當時天下將猿公何必獨英雄

全

河野通之

橫梁閑斟意氣雄對圖最是想英風果然翻海倒山勢不到航船一棹中

全

窪素堂

舉目湖山擊鼓鳴槍旗無影雪縱橫氣豪命酒圍爐坐真個胸儲十萬兵



全

澄田欣之助

河水在陰山在陽憶起當年快戰場新勝敵軍十萬騎旌旗滿山勢矜強  
何知我公膽斗大眼中已無猿面郎機先不待救援至六千貔貅自相當  
鼾睡安衆變通敏斷橋決勝籌策長驅敵返旗不岨及威名自是天下揚  
高義更有勝勇武翊戴宗家和蕭牆集矢不折乃父訓傳至虎兒救覆亡  
嗚呼馬山可崩水可涸此公英名萬古光

全

湊 硯吾

敵疆咫尺馬山城撤却橋梁決死生就義丹心貫烈日知機妙智壓神明  
威如風伯靡芝草德似雲霓濕稻稔天利人和勝算定一兵不血走千兵

全

加藤 義養

四面狼烟濛不分雪飛營幕白紛紛千秋遺恨詰朝事點智猴郎空拔軍

全

吉川 越雲

馬山形勝天下無後有神川前東湖吉公會此出奇策背水布陣跡不虛  
夙翼宗國力有餘偉功赫々照史書我欽英風嘆不已祭壇呈詩換生芻  
江家本出縉紳儒幾世賢材參廟謨業至藝侯頗盛大山陰山陽歸版圖  
束箭遺訓好托孤兩川讜議善相扶略駕韓信全終始膽與子龍若合符  
君不見猿郎戰鋒威海外振一向此陣忽逡巡

全

岡部 轍

十萬東軍氣勢剛寡兵應變絕橋梁陶然醉臥馬山雪裏不來猿面郎

全

浦屋 寬制

向山背水馬山城上有種石蔚然橫險猶韓信於趙壁人皆期死不期生  
雨雪其雩夜呼酒團欒一醉鼾睡聲可見膽大出天性不似謝安對棋枰  
何必彼是較衆寡吾有胸中十萬兵向曉伺得敵動靜銃丸一發懾猴精  
君不見凌蔑遺孤握天下不義富貴浮雲輕畢生閨閣耽愛寵樞肉未冷



社稷傾孰與伉儷求醜惡保護宗家長忠貞千載之下青史上志操不愧  
蜀孔明

全

久保雅友

何獨武功超衆群夙明大義是文勳角聲夜凍城頭雪旆影曉翻湖上雲  
飲酒鎮人曹相國解鞍却敵李將軍猿郎當日稱多智還把一籌輸使君

全

後藤 綏

雪壓軍營路不通圍爐緩飲有餘雄猿郎他日輸籌處已在大川酣睡中

全

松本直方

嗣子輔來連奏功周公之後獨推公馬山雪曉交綏計已在圍爐鼾睡中

全

吉井 備

大江分派水湯々沈艇斷橋意氣揚爐上命醪風雪夕醉餘鼾睡壓猿郎

全

柿崎家保

柵後長江柵左湖敵旗帶雪閃山隅用舟謀出周郎右背水陣非韓信摹  
七道霸圖胸裏有九州豪傑眼中無轅門寒色良堪愛作氣盡來猿面奴

全

村田直景

夜令兒曹巡視師詰朝烈戰素相期有人欲說敵鋒銳醉後乃翁眠不知

全

全

傾杯雪夜氣豪雄背水當時待寇攻史論豈因成敗迹猿郎一步輸斯公

全

八木 雕

孤軍背水馬山營威服猿郎十萬兵若使銳鋒衝敵陣一鞭追北到京城

全

佐伯八百三

雪滿湖山夜氣清寬容命酒坐屯營好將鼾睡昏々響換得三軍叱咤聲

全

林 達一

奉公義重托身輕一戰偉勳千古鳴苑地期生臨水土危機決勝背山兵



分杯月現英雄器列劍霜光將師營果斷毀舟全策後鎮西長是舉雷名

全

田中鳥雄

朔風颼冽雪繽紛戍火光寒警柝聞窮處愈知公膽力借將微醉却三軍

全

潮見琢磨

十萬貔貅卷甲趨龍兮臥在馬山隅知機素是吾家法何假孔明背水圖

全

小松恒

圍爐對酌意何寬處變英謀本百端想見猿郎陣頭立三更風雪不堪寒

全

中川泰

馬山殺氣突冬天旗幟槍刀凜絕巔迫水傍巖期競銳斷橋毀舸要摧堅  
鬼神避易英威勇貔虎服從鈴略賢寂莫金飄何處去只看白雪滿坤乾

全

藍彥之

山川四面一橋橫八萬精兵隔水停雪夜圍爐醉野史篇特筆姓名馨

全

田邊新之助

新勝先期敵可鑿石城斜壓馬山高峰冠一白雪埋火川繞淺藍風捲濤  
亡地而存兵有訣倒尊徐野膽知豪快心猴面斂鋒去冷笑不嚙頭任搔

全

晴

斷橋毀舸馬山隈背水營當大敵來中有英雄呼酒醉滿天風雪野如雷

全

福原弘德

柳絮飄然舞幕前圍爐溫酒馬山巔英雄膽略無人識野睡聲高如醉仙

全

林維純

金瓢所向疾於風八萬精兵滿岸東山上雪飛弓杖白幕間血滴壁牆紅  
醉眠却似亞夫畧背水全收韓信功休怪孤城曾不屈一身備得二英雄

全

澤田篤藏

駐馬山頭望敵營北風吹雪亂寒旌將軍焙膝有餘暖兒視關東六萬兵



全

彼據層巔何足患橋門笈柵屹難攀猿郎善戰猶兒戲千古威名高馬山

全

田風 蘿

彼依地利瞰吾持吾絕走途以寡推凡慮難量英雄意不迫不戰就交綏

全

佐伯平次郎

視機應敵若風濤可識斯公膽氣豪大雪營中滿尊酒一場雄夢鼾聲高

全

樋口 將相

背水陣成一醉中牙旗戴雪馬嘶風朱顏不獨誇猿面坐使三軍意氣雄

全

遠藤 文作

積雪埋營永結槍孤軍背水斷橋梁馬山士氣凜衝敵一望膽寒猿面郎

全

關口 隆正

世間何物是華魁醉眼無人氣快哉雪刃風刀侵不得馬山山下老寒梅

全

津田 亮

六千抗八萬屹立馬山豪縱是避三舍何曾挫一毫雪清兵氣肅爐煖鼾聲高寬猛示機語愈於百鍊刀

全

佐々木省吾

干戈手段獨鷹揚不讓對抗猿面郎種石千瓢空失影馬山一劔只生光紅爐圍處懽心熟白雪堆中鼾睡長仰見武門龜鑑目萬年芳敕自天皇

全

高橋 柳溪

如霜戈劍曉晴分垂勝牙旗翻似雲貔士不知神策困八門金鎖馬山軍

全

岡崎 章介

風卷寒雲雨雪繁燈前留客且傾樽英雄神算無人識醉臥帷中制老猿

全

全

制勝尊奇々在果淮陰背水恰同籌誰言阿瞞多權數膽略還輸孫仲謀



全

櫻井玄彞

泰然談咲酒方醺寬猛相兼才拔群八萬精兵猿面將六千死士虎賁軍  
疾風凜々吹山雪殺氣濛々鎖海雲一舉堪思當日事武威誰不慕斯君

全

戶塚正廣

精銳三千結作團馬山風怒雪漫々帳中煖酒腸如熱翻笑敵兵破膽寒

全

萩原常規

背水陣營殺氣籠山川滿目雪玲瓏英雄膽略無人識勝算早成鼯睡中

全

岡本棠隱

其疾如風不動山麟兒捷報漸開顏一身是膽真無敵十倍驍兵空手還

全

山口餘一

劍戟埋雲成火殘馬山飛雪夜將闌圍爐共酌一壺酒煖得三軍將士寒

全

木下利他

耀武生涯在陣門馬山一舉美名存悠々三百餘年後長有營圖傳子孫

全

阪本蕙墅

雪裏雄圖氣自安旌旗肅々偏堪看銀光凜冽馬山陣好使豐公豪膽寒

全

小菅休復

纔通一路小橋分八萬敵兵難進軍畢竟馬山成餌耳猴郎欲飽欠奇勳

全

矢村宣昭

孤軍決死不辭勞橋絕舟摧無所逃雪滿湖江迴被練風侵帷幕利於刀

貔貅赴々威稜振盃酒悠々意氣豪可謂一身渾是膽功名長與此山高

全

長尾藏六

雪滿湖山走路難絕橋毀楫勢桓々圍爐留飲勦々鼯八萬瓢軍破膽寒

全

全

左右湖山背大川比他韓信最機先猿郎猾智千謀盡遙聽鼯聲引隊還



全

松浦 默

醉夢醒來勝算成六千死士勇裝輕旌旗影靡山巔壘鞞鼓聲高湖上營  
不讓周郎燒魏艦也優田子守齊城彈丸一發斃裨將掃得東軍八萬兵

全

木下 龜

山形突兀大湖濱決勝兩軍冰雪晨志氣超騰馬觸馬戈鋒錯雜人當人  
寒英撩亂壓空暗熱血淋漓濺地新請看斯公方寸裡關他宗室十州春

全

安富寬次郎

朔風捲地六花飛凜々寒威襲鐵衣英將不關兵衆寡胸中早已決軍機

全

近藤 伴治

雪壓湖山陣營靜風飄旗幕勢威雄誰知英傑奪先略已在拋杯鼾睡中

全

松浦 醇

八萬敵軍聲若雷馬山進退亦危哉豈圖敢死六千卒破驚猿郎肝膽來

全

伊藤 沈流

神機妙算有誰知臥息如雷隔幕帷八萬猿軍何所視馬山巖不動將旗

全

伊藤 貴一

圍爐喚酒獨開顏飛雪漫々滿馬山不說醉中攻守策必勝都在一胸間

全

佐善 元立

孤壘過河據馬岑東軍八萬不能侵誰以斯公比孫策居然背水老淮陰

全

三木 磯吉

馬山形勢尙依然想見兩川豪且賢植柵穿隍依地險絕橋毀楫示謀全  
駒々鼾睡醜顏士凜々威風白雪天宜矣英雄諳緩急龍驤虎視冠西邊

全

黑田 正太郎

軍營不動衆情寧滿面紅潮酌綠醞虎將心胸如朗日猴奴氣勢似流星  
鼾聲落雪夢魂白旗影翻風生血腥華胄綿々三百載湖山無恙吊英靈



全

瀬戸 弘

圍爐煖酒有餘歡雪滿前山撥幕看觸景洩來豪壯氣嗚言敵陳不堪寒

全

小野 多平

皎雪没山埋陣營旆旗森々帶風鳴公嘗事業從容得軒睡一聲勝萬兵

全

櫻井庄太郎

積雪埋溪堆馬峰堂々戎器勇威濃誰知寒陣英雄睡太勝當年趙子龍

全

伊藤 介一

一醉爐頭軒若雷湖天風雪自崔嵬看々今古英雄士都是死中求活來

全

瀬原儀之丞

寒風吹雪白於銀畫戟森々意氣振誓掃六塵全節義宗家領得十州春

全

山下 重民

烈風怒號旗有聲龍鬪天半銀鱗輕此時英雄氣益王勁敵相迫毫無驚

千杯熱酒澆磊塊却笑寒威侵敵營絕橋梁兮碎舟楫馬革裹屍吾所榮  
湖上一陣如鐵壁猿郎膽破不得爭懦夫聞之有立志宜矣千古雷名轟  
君不見此公養勇在平日不許帳中眉斧橫

全

石原 嘯山

靜望敵營醉擁爐誰知睡裏有良圖猿郎肝膽寒於雪毀楫斷橋帶碧湖

全

川端九壽一

舟橋斷去無還意此裡將軍特壯然燕雀安知鴻鵠志爐頭被酒醉軒眠

全

飯村榮太郎

左阜右湖帶大河况摧舟楫苑思多猿郎鐵騎收旗去不戰三軍奏凱歌

全

吉川 常淑

軍門雪夜酌清醪想見當年意氣豪恰是眼中無一敵馬山々上軒聲高



全

瀨原儀之丞

雪厭陣營風益高爐邊釋甲酌村醪英雄方寸君知否醉臥悠然夢六韜

全

高須履祥

雪滿湖山路不通奈何勁敵忽來攻英雄神算君知否却在爐頭醉臥中

全

原田勝造

駟馬山軍颯雪風幾時蹲蹬海潮通穿雲萬里神仙盡塵外登高旭日紅

全

全

門閥人和難保心壯英將勇盡糧沈歲月坐來懷更古神籌馬山積雪深

全

相川常信

種石城頭列萬兵下觀總官馬山營々中裊々炊烟颺只聽嚴然鼓柝聲

全

加藤 靦

有此戰而有此功大旗一拂馬山空名聲藉々不磨滅膾炙千秋人口中

全

近藤 美

士氣盈節以靜人心細制以猛嚴故不亂寬故和恩威竝行服頑猛藤駿  
州公之用兵勝算前定燃犀炳出師有名義自直不怪所向摧鯤鯁豐家  
軍稱八十萬風雪一夜壓四境吶喊聲激虜發聲草木皆敵接林嶺當之  
馬山兵六千群巒崢嶸援路梗弱強未知衆寡分烽燧近遠聞傳警身入  
死地誰期生已撤橋板斷船縶士卒氣旺猛於火何似敵營泣酸冷罵殺  
沐猴可生擒爭欲斫門一驅騁三老跪云憤如茲機不可失臣敢請將軍  
靜坐地爐前醇醪在尊肉在皿飲酌言談溫似春沍寒融成暄和景指笑  
金瓢時出沒雪打風拂星斗耿明朝必捷即吾物好盛此酒換木瘿既醉  
勦鼯徹帳幙幕外鐵騎嚴森整結束以埃號令肅旗幟白映湖山影鋒銳  
氣倍一當百勝敗決在倏欵頃渠猴冠者亦老戎咫尺急擊敢不打渠竟  
不來我不出乃不來渠太多幸我家寶刀長三尺霜刃慣斬梟雄頸鎌山



嘗列老姦賊遺憾奴輩保首領中原未定鹿復失不許猴郎漫橫逞孤壘  
屹與天下敵勇武多矣真剛毅雖然是奚足稱公公平庭訓日三省雄志  
發揚先候畧垂髻從軍已俊穎乃勤王事抽臣節乃翼宗家持國秉山陰  
山陽略征服仁暴相代非吞併七十六戰豈爲躬自誓國家千獻靖忠勇  
拔群照汗青武門龜鑑馳輝永嗚呼武門龜鑑永馳輝三百年並列宿罔  
聖人登極煥增光 丹詔新頒紫微省隆恩特允建廟祠金龜城頭華臺  
靚 神慮救賢子哲孫儼然爲大邦翰屏

全

萩原謙次

轅門會士酌芳醪橋艇毀來氣益豪一醉明朝期必勝滿山夜雪鼯聲高

全

山中久內

左右湖山後是川避無橋渡去無船英雄膽略君知否傾酒爐邊帶醉眠

全

毛利倫亮

寬待濟驕猛起情此術平生公所存猴郎八萬侵國都十有三州逞噬吞  
孤壘背水振軍氣百杯圍爐壓中原一戰退寇醉初醒偉業千載護宗藩  
馬山英風今猶在廟前芳烈酒味溫

全

寺島秋介

風雪漫々埋陣營爐邊煖酒且談兵一場鼯睡閑無事壓盡千軍萬馬聲

全

佐藤信寬

誰識英雄有遠謨何將衆寡判贏輸關西蹂躪猿郎畧一蹶馬山三陣圖

全

鳥山重信

不關敵衆瞰吾營爐畔閑談酒數行莫怪鼯聲似雷大神機這裡却東兵

全

全

兵氣退時不示寬旌旗整肅可侵難休言衆寡何能敵々膽寒於夜雪寒



全

上領賴軌

雪滿湖山兵氣黑兩軍相距僅咫尺此是馬山對壘圖想見英雄遭匹敵  
猿郎指揮八萬兵長驅來據種石城槍旗森々蔽原野鼓聲鏗々山岳鳴  
我守孤營水在背兵唯六千力不對誰知死地是生地群下戰慄皆欲退  
公心不動釋甲休下令撤橋又毀舟爐邊命酒賜麾下陶然酣醉睡駒々  
猿郎逗撓不敢逼晨遣候騎陣門圓神速收兵捲旗去其意衆人不能測  
如使敵將不猿郎必逼我營授其亢如使我將不斯公必逐其北殞厥躬  
猿郎不逼公不逐韜略藏在二將腹宜矣當年一對壘馬山于今傳雙美  
嗚呼公之所爲誰似者獨有臥龍走司馬公年十二始即戎勇往直前氣  
象雄由來百戰老兵法將略依然阿爺風阿爺一生勞王事公能終始承  
其志餘慶充溢及子孫果知精義合天意最是明治維新時輔翼宗家舉  
義旗王室興隆與有力魯衛並榮弄璋筮君不見猿郎一時恃威強身後

豚犬忽焉亡何及吉川之水流不息長與大江共洋洋

全

諫早生二

猿郎籌略莫能爭席卷中州降幾城水上重看韓信陣湖邊復列亞夫營  
勵來精銳五千士退却飄揚十萬兵三百年前愉快事汗青々裏有公評

全

阪本協

斷橋背水志彌堅坐對大軍自泰然談笑爐邊枕戈睡鼾聲高響幾千年

全

神田貢助

戰而屈敵本非難不戰而屈敵眞難雄膽獨推吉川公馬山之陣堪三歎  
想見此時猿郎荐勝戰十萬貔貅勢震電何者敢能抗銳鋒山陰望風將  
鼓煽警報頻臻藝陽城藝陽君臣捲舌驚憤然蹶起吉川公欲當猴郎傲  
慢兵先衆手提三千騎忽向鳥城修羅地遺恨皇天不假時孤城落日秋  
風吹征旆千里豪氣殷鐵馬高嘶馬山雲馬山山頂布堅陣更出奇策欲



建勳大舉來犯彼秀吉千砲鳴空勢迅疾列陣馬山第一峯一戰乃欲獲  
勝術何知我兵悉絕倫何恐猿面狡獪人前山背水示必死憤激不堪誰  
惜身北風此夜寒凜烈天降大雪堅志節橫槩賦詩對銀樽不見隻兵情  
窮切東軍欲戰氣已窮雄膽始驚吉川公十萬敵兵無一戰倉皇捲旗空  
去東嗚呼斯公何大膽非此勁敵不動感想見當年雪夜情千秋至今尙  
凜愴君不見風雲際會猿面郎遂平天下霸業昌奈何千載血食絕當年  
豪華夢一場斯公有智有勇又有德志存王室又宗國日月滔々三百年  
後裔連綿豈有極嗟乎是真足欽尊一朝勝敗何足言

全

石村貞一

想見雲旗雷鼓間將軍膽氣壓區寰猿郎勇猛烈如火不使烟塵到馬山

全

村田峯次郎

吉公偉略所人知細說馬山雪陣時驕敵雖多不挂眼圍爐煖酒臥書帷

全

高島張輔

撤橋毀舟絕走路孤壘如魚在甑裏將軍醉臥鼾聲高八萬敵兵徒環視  
眼中已無猿面郎當時群豪何足齒惜不逐鹿向中原雄圖空限長江水

全

新山忠

大江之水溢關西分爲兩川勢相齊維吉川公性驍猛用兵如神紀律整  
攻城野戰誰能當山河跋涉挫虎狼猴郎何者大舉侵攻自山陽到山陰  
公帥一軍次馬山與敵相距數里間東軍據高臨我陣銃聲如雷山嶽震  
我軍孤立背一水撤橋破舟示必死風雪模糊夜殊寒賜酒麾下結交歡  
公擁地爐鼾睡熟士氣凜々軍令肅向曉候騎偵我營炊煙漠漠聞無聲  
銳氣坐禱英雄魄輒令勁敵失奇策君不見斯公將畧素絕羣一生百戰  
奏殊勳惜哉天不假年疽發背將星夜墜隴西塞陳旗雲寒風捲急軍門  
萬聲齊哭泣猶幸後人克紹父祖風世佐宗家功績隆果見屏藩擅榮顯



吉香神祠嚴祀典星霜悠然三百秋本支滔々大江流

全

勝田如雲

撤橋軍後巨流縈大敵如雲壓我營諸將心寒蹤辟易此公神旺勢縱橫  
荷恩多士盡忠勇督戰二兒尤俊英偶按地圖思偉業林風有響忽錚々

全

件 謙三

往事勿々三百年英雄竝起各爭邊疾風凜々龍蟠地飛雪飄々虎叫天  
八萬騎兵陣城北六千壯士伏湖前斷橋負水示豪氣對酌爐頭醉鼾眠

全

吉山喜一

京軍十萬壓山陰落日孤城魚在涔千古英雄老成略要知不戰不追心

全

曾我少一

相對兩雄未戰時鐵衣風露夜何其一謀奇中西軍畧忽教東軍進退知

全

外浦文德

馬駿人強共絕羣山頭何物欲吞君陣中傾酒成齷睡圖得猿郎却六軍  
每句冠  
題字

全

山田修

種石城下馬山城左右湖山大江橫大江架橋通一路此地天險四方鳴  
猿郎嘗抱經世志敢帥貔貅踏我地我公沈毅膽如斗絕橋毀舟靜爲備  
本知勝敗只在天臣下何事漫周旋我公夙有成算在被酒鼾睡意坦然  
猿郎知機亦堪驚銜勇韜力急收兵聞說不戰屈人善之善又聞窮寇莫  
相爭二公處置得其宜青史傳威名

全

溫品月坡

八萬驕兵亂雪風孤軍壓却猿郎雄分明傳世馬山陣謀略匹如亡趙功

全

河內淡哉

誰識胸中能用兵舟橋不恃不依城馬山之雪侑杯酒鼾睡聲成奏凱聲



全

守田敬齋

八萬東軍瞰馬山絕橋謀畧事難艱圍爐命酒鼾聲大落膽猴郎拂陣還

全

小林靜枝

營孤地隘半江分寒氣裂肌雪正紛十萬敵兵壓頭陣三千我騎斷橋軍

英雄心事豈容計策略胸懷元出群誰識當年戰爭地空看今日淡浮雲

全

河村禎

八萬雄軍進牙幢羽柴膽略世無雙山陰震恐人擔立因伯諸城望風降

江家公子真驍勇聞警蹶起虹氣涌部下將士多英豪愛撫平生恩義重

孤軍纒率七千兵七千一心不期生羽衣峯臨馬野岳敵營相距數里程

寒風吹雪凍旆旗列營寂然慘不驚鱖魚佐酒宴諸將警柝聲々徹五更

猛氣吞敵敵氣沮猿郎遁逃似雀鼠天下誰挫千瓢威當時只有此一舉

全

佐久間寬

左右湖山還背水無橋無舸絕奔逃天寒降雪圍爐飲鼾睡依然一世豪

全

野手一郎

折楫斷橋不足奇駿州此策是娛嬉請看駒鼾如雷裏莫復猿郎八萬師

全

藤田草湖

鼾聲高響馬山雲危計全成掃萬軍城壁望來總是膽狙公心緒亂紛々

全

河內實盈

投身死地氣揚々雄畧誰知別有腸一醉閉眼馬山雪翻將安逸退猿郎

全

吉田乙雄

一橋纒在馬山隈大雪何關萬騎來快戰擒將敵膽落千年奇骨仰斗魁

全

原昌胤

霜映劍華英氣濃三更遠柝響銀峯駒々養膽屯營睡匹似劉家趙子龍



全

村上武繩

深謀奇筭對秦兵醉裡安眠意氣平人恠前宵旆旗地只看山雪列瓊瑛

全

秋本里美

攻守幾回能保危二家興廢正斯時東兵六萬膽肝落決死三千背水師

全

佐藤秀助

孤軍背水立旌旄橫槊銜杯意氣豪誰識英雄韜畧定滿山風雪駟聲高

全

柴尾章作

輔宗忠勇慮患深移陣馬山風雪侵駟睡場中運奇策令寒敵將老兵心

全

富田彌弍

八萬勁兵何足患指麾談笑酒杯間胸中既熟狙公策一任老猿窺馬山

全

平野牧彥

星霜三百祭英雄戰略想看背水功青史凜然輕幕展餘威猶帶馬山風

全

紀藤織人

名將用兵真耐驚山溪雪滿肅軍營斷橋毀舸何籌策酣睡當年倒敵旌

全

中村德寅

大江分派鎮二陔山陰山陽十三州兩川威武爲羽翼忠勇勳績傳千秋

風雨嚴島與雲城鋒鏑所向無不靡協力素期與宗家遺烈煌々照青史

此公餘裕綽々然手寫太平四十篇英雄心事其揆一請見軍中魯論研

古來美艷誤家國公獨撰醜生健子果然勇敢賽乃翁從軍到頭拔城壘

君不見馬山之陣驕兵填壑滿丘麾下震怖公悠優毀橋焚舟絕走路也

是淮陰背水謀時正凜冽風雪景可無杯酌解凍梗釋甲烘膝燔火傍閑

談不復及備警東海將卒慣溫飽北地寒嶮爭可禁示猛以寬々則猛知

彼知己兵家箴漢軍入趙觀必死登壇將畧公能擬他年碧蹄倚柱眠太

似此公駒貽睡羸躓劉興互更新其奈猿耶會風雲屈節快々疽發背勤



渠強起征薩軍此行不省爲永訣何辭毒魚羹一啜賴有寧馨兒孫存忠  
蔓義莖綿瓜隄輔宗勤王今猶古不恠天恩復華班欽述三百年前  
事祠下稽拜淚潛々

全

原田鳳山

數子無忘數失盟二川不漬自家名馬山陣亦強於失笑瞰明韓百萬兵

全

香川雪鴻

名馬名山豈偶然當時神勇著鞭邊吾儕潔手坐舒軸几上一圖三百年

全

都野巽

阿弟長戈警陣門阿兄方局堵乾坤不比大喝驚孟德一睡轟々走狡猿

全

墟谷處

萬炬如星夜幾更鐵衣風露肅軍營兩雄相遇難兄弟我就閉眠彼退兵

全

全

誰識關西有乃公山陰草木偃東風枕戈露臥麴々睡驅逐猿郎走夢中

全

藤田葆

笑看嶽上逞雄風冷徹霏々雪漲空能褫敵心兼論士機先在這酒盃中

全

三須成懋

背川軒睡萬兵奔東定攝丹何足言曾使將軍伸偉畧猿郎未遽霸中原

全

東崇一

沈舟撤橋絕還路撰部署曲決戰期篝火影深刀斗嚴寒氣助威雪如篩

大將帳中軒睡熟貔貅六千恨死遲將以一戰決勝敗是公膽氣誰得窺

降城入糧事已畢拔營領首急班軍不以勝敗付一戰羽柴心略亦難知

全

井上尙志

絕路沈船楚上將陳兵背水漢淮陰東軍避銳回旗去只見朝霞射雪岑



全

南方厚

滿天飛雪濺戎衣絕却舟梁不失機侵晉苻堅氣先奪吞吳孟德術皆非  
千瓢陣退山無色九曜旗颺風有威當日東兵如出戰馬峰將築武軍歸

全

下器

酣醉依爐正熟眠陣門寒柝自蕭然馬山々上一宵雪永照汗青三百年

全

阪本泰吉

馬野山高天外拔種石在後亦突兀  
哲崖對立勢欲格我公來陣冬十月  
背水植柵守備堅紙上猶覺殺氣抹吾家永辱公世臣對圖再拜益  
仰歎憶昔元龜天正際英雄群起事搏噬西有大友東織田猿郎武畧拔  
其萃神出鬼沒無定形千瓢所向皆摧敗近畿弱草伏威風乘勢席捲中  
國地殺將拔城兵氣振旌旗已及公管內我公籌略見機早豪爽用  
兵固有名憤然不觀兵多少敢當百萬吼闕兵圍爐命酒動時靜撤橋破

舟死地生奇策一々出意表更有二范警陣營是時猿郎肝膽冷收兵遂  
巡不爭衡若使一戰決勝敗猿郎之首軍門擊自古名將戒女色仇儷擇  
醜無愛暱蜀國名將諸葛公和漢異地同卓識勤儉富國護宗家機變幾  
度挫強敵智勇兼備眞英雄宜乎武名至今輝書冊

全

森脇簡

如是江山良死處斷橋背水命聽天後人不解正人意謾道淮陰將略傳

全

河上逸

猴郎大舉馬城陞兵僅六千力善持魏武吞吳志終挫淮陰背水陣堪支  
食前籌附盃中酒膚裂寒知山上師若使兩雄相共戰金瓢未必占山崎

全

全

目中已蔑十三州不得馬山々一丘借問猿郎千萬戰英雄有似此公不



全

中島莊弼

拳鞋猴奴逞狡智十三州中噬一二聞陷丸山鳥取城公赫然怒勇無比駐馬伯州馬野山仰見種石山上幟左山右湖後大川撤橋毀舟無地避兩將欲說入幕來爐邊命酒醉鼾睡太似韓信破趙背水軍陷之死地存生地又似孔融流矢雨下時危坐讀書示優意夜深陣々篝火明擊柝聲高嚴警備猴奴汝爪施無術狼狽遁去無隻騎爾後公頻欲交兵和義已成終不遂遺恨他年征西日爲汝關白一屈志

全

原田武

左右湖水後一川破毀舟楫截橋椽旌旗林立雪添白不問可知圖馬山馬山不高且不大鐵騎精兵屯孤軍狂瀾抱山無脫路一夜鼾聲千瓢奔介弟善謀公善戰兩川所向敵遂巡六十餘戰每如意一鞭恰似驅羊群當年若無雞血約猿郎應逸鹿中原嗟哉英雄鐵腸不可計臨應機變如

鬼神釋甲爐頭浮太白鼾睡雷轟敵在前馬山名因此公著此公勇因馬山傳湖光山色今猶昔風雨無情三百年獨有苔石蘚窟在空存陣跡不見人

全

飯田信考

龍驤還虎視孰占戰機先一目碁枰面羸輸自瞭然

全

平佐蕉雨

背水陣成軍氣雄威風凜々仰斯公敵人未戰兵機沮功在馬山酣睡中

全

三戶玄菴

非追血戰木曾公唯傲清純大塔宮驅寇東西無割據奉宗終始有精忠奇謀龍臥三杯後空鼾雷鳴一陣中時事於今芻狗似猶餘名分闔門雄

全

全

援後時機次陣營向前決勝不期生卸鞍休馬圖來寇呼酒屠雞戢守兵



聳壑雪明吞敵氣傍湖水響吐軍聲奮身到底宗家輔天地永留忠勇名

全

山內幹介

切齒雷軍還得先陣營決死背奔川雪深寒徹指揮外爐暖春生對酌邊  
士氣奮時寬可示眾情屈日猛宜然猿公直避我鋒去萬里長城獨自全

全

佐伯成言

山勢南迤東方橫河水西流控北溟馬山似馬飲湖水此中僅容數千兵  
以寡敵眾傳家訣海水尙赤嚴島血猿面郎率皮履兒肯瞞虎兒窺虎穴  
據隅咆哮耽々視不搏老猿死不止滿山草木悉金瓢孤軍如魚在釜裡  
解甲舉杯望前山々上雪皎烽火殘陣門寒柝風肅々一睡徹曉鼾聲閑  
此圖未判勝敗機兩將神算對局棋以寡不屈吉公勇擁眾不戰豐公知  
君不見才知與義勇一著先在鼾睡時

全

中山樵

鳥取城中死鼓聲豐軍氣勢似長鯨笑他種石山頭曉一林銃烟空解兵

全

全

凜々馬山死守兵仰看頭上萬軍橫英雄肝膽爐邊夢雪裏高轟豪鼾聲

全

弘津說三

乃翁將畧是長城獨向山陰支大兵湖水毀舟摧敵膽地爐煖酒鎮軍情  
佛王雪陣回征旆露國版圖安眾氓爾後星霜三百歲一宗赫々兩川清

全

川岡東一

白雪飄風壓陣營鼓聲有響簇旗旌何妨嶺上敵軍振一醉唯知睡味清

全

全

東軍下瞰我何妨陣背水流還絕梁洞察敵情更無動爐頭酣醉退猿郎

全

粟屋雪城

左右湖山水繞背風雪滿天懸壘孤却想敵軍寒墮指爐邊杯酌裕有餘



舟梁絕得士心一乃知淮陰術不迂坐催睡眠膽何大勢走司馬亦妙圖  
古來屈指千城士躬當敵衝死不恨強將之下無弱卒六千壯士盡勇憤  
獨怪山炬次第滅敵兵爭先去悠悠寸兵不接勝敗決瓢表桐號何處求  
快哉曉天不留敵馬峰名雪照千秋

全

三宅杏所

智誑鬼神勇虎狼泰然釋甲引壺觴誰知一醉々餘肝挫了膽剛猿面耶

全

寺本虎太

勇知明辨馬山中姦究領軍相共攻光陰似梭三百歲畫圖多是眩雙瞳

全

一一宮 勘

撤梁毀楫彩旗新將士八千服威信雪滿峰頭風凜烈馬山々上獨占春

全

宮田渡人

俯仰林頭霽雪清從容枕鞍馬山城勇威彷彿井徑守正識猿郎背水營

湖上浪閑曉光冷斷橋無影一川平東軍自徹風雲略追次虛歸千萬兵

全

全

飛雪紛紛漉旆旌凜然殺氣滿軍營眼無強敵陣中睡水徹橋舟死地生  
湖上浪高浮鴨亂危峰風勁角弓鳴英雄自別有奇策空走猿郎百萬兵

全

佐伯 新

將軍藤原之遠孫改姓吉川別成門幼齡十二始臨陣功勳已是見英魂  
宗家毛利永祿歲領十三國爲雄藩討滅陶賊攻尼子且拒大友軍事繁  
就中流芳馬山雪欲出奇計孤軍屯軍中飲酒醉臥去老臣欲諫不敢言  
退老難遂發疽死即是憤懣爲病根此公大志誰能識在把天下盡併吞  
手寫太平記幾卷更好文筆不厭煩維新立廟祀爲神威靈赫々到今存

全

全

馬山陣營雪漫々士卒胼胝不堪寒懸軍六千期必死恰似秦兵圍邯鄲



猿郎貔貅十餘萬我軍多是屬羸殘老臣蹙額欲諫公卸甲酣醉強自寬  
神籌鬼策有誰識唯道累卵不可安猿郎趁起已曠日一矢不發徒傍觀  
休道救援不相及烏城難保本孤軍公將銳鋒常無敵最於此戰心力殫

全

日尾義夫

機先胸海決輸贏隻手當衝擊巨鯨裊々炊烟馬山曉膽寒八萬羽家兵

全

巖本貞純

撤橋絕路是奇才也好圍爐舉酒杯挫却東軍連捷氣我公鼾睡響如雷

全

全

由來因伯屬山陰肯許東兵敵我侵智謀應該破舟策英傑獨知英傑心

全

全

猿郎乘勝數摧堅跳躍來營瞰馬山休謂日中更無敵我公陣處引軍還

全

全

鼓舞七千士能當八萬兵果知毀舟策眞箇是長城

全

廣中貞晉

撤却橋梁策旣成擁爐宴語馬山營猿郎偷不回轅返鑿殺東軍八萬兵

全

全

鱖魚羹去倒醇醪雪滿軍營氣更豪不厭敵軍在頭上擁爐快臥鼻聲高

全

高橋武雄

絕橋毀艇氣如虹命酒圍爐意又融此際休言鬪事輸贏偏在鼾眠中

全

二宮舒

東兵八萬滿城頭正是馬山危急秋斷毀橋舟膽如斗鼾眠能有十餘州

全

全

寒威凜々雪埋營支得豐家八萬兵請見英雄過人處擁爐談笑若平生



全

豐島諒

東軍來犯日風颺馬山旌背水淮陰陣枕戈亞父營猿郎驚將略草木識  
威名想見當年事似聞鞞鼓聲

全

全

左右湖山後大川羽衣城上萬兵連請看強將膽如斗釋甲從容只鼾眠  
新井清太郎

全

新井清太郎

知是鐵衣侵骨寒敵兵凍却在雲間爐頭酌酒軍營靜大雪飄飛馬野山  
全

全

全

霏々雪壓馬山城何畏東軍八萬兵知否我公鼾眠外松聲暗奏凱歌聲  
全

全

玉井慶一

京軍八萬不堪寒溫酒隨公獨取閑破楫斷橋勇誰敵猿郎無策倒旗還  
全

全

河上吾作

滿天風雪暗崔嵬屹立牙旗勢不摧對酌宵寒鼓士氣爐頭鼾睡響如雷  
全

全

全

滿天飛雪北風號星月無光暗堞壕石上老猴計何怯馬峰猛虎哮聲高  
全

全

佐野利涉

朔風積雪馬山營瞰敵偏師小觀兵對酌今宵君且酣濠然勇氣醉眠聲  
全

全

靜間密

滿山飛雪朔風號隔水孤營鐵石牢不似淮陰亡地策爐邊醉臥鼾聲高  
全

全

井上信厚

山上軍營形勢雄誰交鋒刃奏奇功遠謀唯在絕橋策八萬敵兵奔去空  
全

全

野村鶴之助

飛將鋒刃動乾坤山態凜然吉子魂三百餘年已相去方今尙似畫旗翻  
全



全

原田宥海

駢立東西兩虎爭雌雄未決持權衡擁爐鼾睡膽如斗知是豐公難對抗

全

全

隨公策略甲當時背水撤橋整我師八萬東軍何得敵關西壯士勇如龍

全

筏行紀

雪滿陣營風舉旗英威凜々撤橋時若令雙虎負嶠鬪鹿落阿誰未可知

全

全

凜冽風霜馬野營背湖山欲決輸贏何知醉裏昏々睡鼾息能驅八萬兵

全

宇本久五郎

仰見旗旌高拂空擁爐滿酌策何窮馬山千載勇功跡白雪照他青史中

全

全

斷了橋梁太快哉北風飄雪白皚々鐵腸豈受東兵挫酣睡爐邊鼾似雷

全

杉原直三郎

凜々風寒雪滿天三千勇士馬山邊只看狡將收兵退難敵吾軍鐵石堅

全

池田若槌

雪滿戎衣風颺旌三千鐵騎馬山營凜然氣節誰能敵驚破東軍八萬兵

全

武安孝雄

風雪紛々殺氣橫馬山高處列旗旌六千壯士眼無敵偏惜猿郎忽退兵

全

岩崎舜丘

毀絕舟梁馬野山綾衣長袴意殊閑笑看東陣望風去豪膽決勝瞬息間

全

藤井榮之進

凜々英威馬野城風吹飛雪滿軍營若教猿將一來戰奮躍當殲八萬兵

全

今田三郎

悍然欲進決輸贏風雪偏添壯士情八萬敵軍空敗退羽衣山上寂無聲



全

宮本又十郎

山前列旗幟山後絕舟梁總管眼無敵膽寒猿面郎

全

森脇長槌

馬山遙對羽衣城雨雪如篩滿陣營撤去舟梁絕還路野眠退敵果豪英

全

森脇孝三

孤營隔水絕梁船笑見前峯敵陣連提劍精兵勇如虎北風吹雪馬山巔

全

宮川梯次郎

兵威凜々馬山營毀撤舟梁絕走程酌酒爐邊醉而睡野雷驚破羽衣城

全

長井誠吉

風捲旌旗夜雪晴戰塵洗盡馬山城從容枕戟依然在彷彿井徑背水營

全

三須般一郎

鬱々馬山聳拂雲對圖憾慨憶先君六千猛士氣如虎切齒將吞八萬軍

全

土屋勝軒

懸軍倚爐地眠堪知將畧大於天軒一破猿那餘響猶傳三百年

全

小阪千尋

猿那大兵來侵覆重圍孤城絕芻糧山陰總管聞警起手兵六千製虎狼

途到馬山城已陷姑按形勝據守防雪映劍芒山河白寒透戎衣草木瘞

仰望敵陣數仞高旌旗捲風蔽空碧馬山湖間一小丘丘上孤壘似跡迹

背水斷橋氣益豪衆心投合一當百大膽藤吉膽始寒勒兵山上不敢迫

夜來冰雪堆一堆鐵石心腸摧不摧決策下令吾務畢釋甲擁爐傾酒杯

談笑移時眼無敵快醉催眠野如雷我武一場妖氛排疆場不復見崩頽

嗚呼公之節操屬於馬山雪胸襟深於湖水藻會寫國史辨大倫常奉遺

訓事提挈豈唯勇武壓當時漫稱用兵獨超絕山水依然三百年英名赫

灼永不滅



全

今田 寬

湖光生白野聲聞烽火未殘爐火殘臥看羽衣石山頂夜來風雪不禁寒

全

係書作

下

連城

一岳突在水中央中飄旗幕九曜章莫是藩祖隨浪公馬山陣雪壓陣營  
武威揚憶昔元龜天正際公爲宗家管一方雲石因伯隱但地一身總括  
六州治山陰轟徹英武名豪強誰敢越厥志何者猿郎無賴頻敢向中國  
飄旌旆席卷播備勢如虎撲銳又向因伯間攻城斃我二驍將旗色又將  
及吉田公爰憤怒令士卒決死出陣伯馬山乃三面襟湖水一面僅通  
橋一根公之韜略出意表破舟斷橋塞後門太似淮陰背水陣士不知退  
唯知進又似諸葛塞上軍孤陣遠懸號令峻良將所見無二途古往今來  
皆一圖狡哉猿郎察機變遠養師力不敢戰分兵入糧植石營避銳轉鋒  
高松城鳴子當時若令兩雄戰安知誰敗誰是成吾今永保公臣籍謹對

此圖拜威靈君不見高岸爲谷深谷阜成敗自古無定程堂々關白金城  
基僅傳二世卽凋零吾藩雖僻流裔遠提封六萬山河藥物換星移三百  
歲青史永流吉川名



祭典雜藻

書

吉川元春公自書太平記後

廣瀨進一

吉法師猿面郎彼胡爲者妄挾 天子弄兵馬我有一奇策可以除此敵  
立馬宕山瞰敵情出其不意襲其營一戰掃清 君側惡號令四方鎮  
帝城我策不聽長大息區々奈此十三國移陣馬山與敵逢欲乘風雪挫  
其鋒豈圖敵鋒轉中備以水代兵舟代騎高松城裡懸釜炊阿弟有智無  
所施聞警深夜投袂起兄弟急難宜共死六萬大兵三家旆方期與敵決  
勝敗黠僧講和謀復違吉法師斃猿面郎遂霸 帝畿嗚呼吾事已矣我  
應老我所欲爲彼已爲君不見英雄本志無他事欲使民被太平治北伐  
西征帷幄中抽筆自寫太平記

全

小菅 揆



想見三軍叱咤餘雨窓呼筆意安舒英雄本色我能記抄了當年相斫書

全 增山守正

一部太平記寫來筆底收勉強兼節儉文武自風流

全 素堂窪亮

英名如電震西州能助其宗勇與謀善戰孫郎猶不類抄書一事歷千秋

全 全

奇才豈啻絕羣倫可見英雄更有真移得御他兵馬手夜窓剔燭舐毫頻

全 西尾爲忠

天資忠勇獨超羣對陣寫來前史文知到南朝興敗處幾回欣喜又悲憤

全 市邨謙

戰聲聲裡意從容前史寫來披我胃遺墨淋漓英氣在筆鋒亦是似兵鋒

全 戶塚正廣

有武無文何足稱此公從古獨多能英雄不做詞章輩手寫史書觀廢興

全 田風蘿

能遵遺訓奉宗家義勇之名海內譁自寫太平前後記歷年三百筆生花

全 深澤雲龍

策略縱橫世太平誅奸掃賊盡王城揮毫萬里駭人目三百年來凜有聲

全 高橋武雄

入兮凭管城出也點奇兵宜矣公之力兩雄就太平

全 田邊新之助

結髮用兵飛電驅十州荆棘付犁鋤英雄胸裏閑天地時撚尖鋒寫古書

全 黑田正太郎

允文允武是英雄辛苦偏欽學士風天帝勞心扶彼志鬼神有意誘其衷

專家健筆杜元凱絕代高望袁邵公好向蒼旻先一笑滿胸咳唾玉玲瓏



想見三軍叱咤餘雨窓呼筆意安舒英雄本色我能記抄了當年相斫書

全 增山守正

一部太平記寫來筆底收勉強兼節儉文武自風流

全 素堂窪亮

英名如電震西州能助其宗勇與謀善戰孫郎猶不類抄書一事歷千秋

全 全

奇才豈啻絕羣倫可見英雄更有真移得御他兵馬手夜窓剔燭舐毫頻

全 西尾爲忠

天資忠勇獨超羣對陣寫來前史文知到南朝興敗處幾回欣喜又悲憤

全 市邨謙

戰聲聲裡意從容前史寫來披我胷遺墨淋漓英氣在筆鋒亦是似兵鋒

全 戶塚正廣

有武無文何足稱此公從古獨多能英雄不做詞章輩手寫史書觀廢興

全 田風蘿

能遵遺訓奉宗家義勇之名海內譁自寫太平前後記歷年三百筆生花

全 深澤雲龍

策略縱橫世太平誅奸掃賊盡王城揮毫萬里駭人目三百年來凜有聲

全 高橋武雄

入兮凭管城出也點奇兵宜矣公之力兩雄就太平

全 田邊新之助

結髮用兵飛電驅十州荆棘付犁鋤英雄胸裏開天地時撚尖鋒寫古書

全 黑田正太郎

允文允武是英雄辛苦偏欽學士風天帝勞心扶彼志鬼神有意誘其衷  
專家健筆杜元凱絕代高望袁邵公好向蒼旻先一笑滿胸咳唾玉玲瓏



全

中村 欽

戰策何曾讓乃翁元龜之際幾成功陣中寫了太平記真箇英雄是此公

全

松田 敏

義氣凜然三百霜馳驅當日事勤王何違自寫太平記豪傑胸中日月長

全

原田 勝造

高節佳名思不禁靜寬風竹碧苔深留書太平紙上卷百和香官多後心

全

小菅 休復

敢犯他疆變我操能知順逆古英豪斯人逝矣風堪慕一卷抄書百鍊刀

全

加藤 義養

中原毒悶竟何如一遣能知百戰餘好把陣頭橫槊手柔毫拈出寫斯書

全

佐藤 平次郎

韜畧文章兩有餘英雄事業果何如敢將舞劍挈旗手寫出神州興廢書

全

山田 安榮

鑑覽興亡對鳥几筆騰兵馬忽忙裏太平公子硯田閑附託俳優演前史

全

守田 敬齋

百戰運籌鴻略優太平自寫好孫謀王事勤勞宗室輔源川真箇吉香流

全

富田 彌次

絳漢無文世所迂隨生無武亦何疎羨君英傑文兼武橫槊帷中閑寫書

全

山内 幹介

野史謾傳昔日軍吳談魏誌幾紛紛令嚴行伍終宵靜手執吟毫記戰勳

全

河内 實盈

西征東伐事紛如此際偷閑膾史書英傑胸懷何足怪元知大量有贏餘

全

外浦 文德

世亂如絲素誰能解倒懸筆尖行陣外文氣掃塵緣橫槊成佳句拈毫寫



舊篇令公長保壽何啻此書傳

全

佐野利涉

世上紛々亂如麻戟牙無休不勝嗟年々武威破竹勢我公三軍能難遮  
數年無閑彈丸地盡意寫來太平記勇哉英雄豪傑士聊慰神靈奮事思

全

下器

寫去興亡兩眼明誅奸討賊勢縱橫英雄日月閑如此采筆軍門記太平

元春公三百年祭賦此書感

楫取 哲

瓜瓞綿々華胄滋帥公之後見英姿駕波千艦鑿兇豎伏雪孤軍壓老師  
橫槊威風原擅長伐謀方略百無遺裔孫能有持家訓闕闕于今護本支

吉川元春公三百年忌辰舊藩諸士盛修祭典廣徵詩歌爲作

三首

小野 愿

世亂英雄起况是名家胄乃父一代賢乃弟天下秀一舉席卷十三州洪  
業立成殆天授

全

全

父死不奔喪剿敵慰靈魂敵勁不須畏對雪命酒尊孝子苦心名將略併  
見千秋生氣存

全

全

仗義不肯盟我事已盡矣縱有百鍊兵豈堪供驅使嗟哉豐公量不洪令



君快々軍中死

吉川元春公三百年忌辰奠以長歌 大沼 厚

君不見諸葛武侯兵馬師周郎公瑾殆次之武侯娶醜治家政公瑾娶美  
縮生期一婦美醜事非末身家亡興鑑周葛英雄易陷色陣圍我吉川氏  
獨超脫具此性情主軍旅苟無所惑恣攻禦况有賢弟爲弟難護衛宗家  
同心齊兄弟戮力幾干役尼子大內地入籍殄誅陶賊雖共勞此是殊爲  
乃翁策至于織田氏來攻欲登宕山燒洛中阿弟諫曰爲危事轉向播磨  
別圖功其後馬山暫置陣滿營飛雪北風震悠然釋甲命杯酌笑敵兵寒  
氣益振及豐臣氏握大權阿弟智略巧周旋乃兄至剛不敢屈被促西征  
憤火燃快々枉出先鋒隊宜矣中途疽發背黑田氏饜鮮鮭魚豐公毒之  
何狂悖我有心期與衆別斯公忍耻未爲劣伐嶋津氏等間耳他年朝鮮  
揚英烈援乃弟軍過開城擊李如松勢縱橫其得活者三四箇明兵廿萬

如元兵

明治十九年十一月二十五日

海翁吉川公三百年忌辰遺臣祭之徵余詩謹賦其

南摩綱紀

結髮從軍兵鋒銳際會風雲飛騰勢攻城野戰年又年七十六回未曾敗  
輔佐宗家興祖業維忠維勇兼奇計山陽山陰皆崩角十又三州誓帶礪  
胷中別有閒日月執筆兵馬倥傯際寫畢太平記一部靜能如此動可制  
爾來山河幾變遷天地悠悠々三百歲

天皇特旨賜褒詔佐宗勤 王忠冠世嗚呼 公靈泉下應感泣永護

王室保康泰吉香祠前香烟靄一篇蕪詞贊禋祭

讀吉川氏略譜題其後

關根 柔

華萼一門推兩英乃文乃武足芳聲壯圖夙輔勤王業大義先伸討賊名



飲馬甲川波撼壘枕戈聰嶺雪埋營聖朝寵典光千古龜鑑長開奕葉榮  
甲川一作松城

恭供 元春公靈前

肝付兼武

七十餘戰無敗北豐公會賞其雄壯佐兄保家人皆知仰望東洋一義將

吉川元春公

總生 寬

欲破重圍已恨遲孤軍遠出不辭危此公戰略超然處最在馬山風雪時

全

全

併得十州威四隣同心協力弟兄親伯兮雄偉季明智仲子剛強共絕倫

全

全

退隱難成獨拊膺爲人驅使亦何勝軍中忽發癰疽死憤懣應同老范增

吉川隨浪公

遠田澄菴

暴雨狂風林木號夜乘兵艦破鯨濤先鋒功烈高千古一戰誅他姦賊陶

吉川元春公三百年祭典賦此換奠 增山守正

天風捲雪夕花翻白玉成山萬古尊蓋世英雄真若此一生功業耀乾坤

咏元春公

全

挫銳摧堅志必先指麾如意進無前手書軍記傳千歲身娶醜妻謀萬全

韜略天縱張葛智忠誠人比尹周賢維藩維翰持宗室餘澤至今三百年

吉川元春公今茲丙戌十一月二十五日丁三百年忌辰其藩

恩願諸子相謀徵文詩於四方欲以供祭祀余亦賦四律以獻

之云

樋口敬之

七年尼子一宵陶說得亡機氣更豪欲出奇謀真將鑑不依古法別兵韜

湖山示死淮陰陣風雪成歡定國醪特典慰靈班縣社吉香夕燄達天高

全

全

翼宗攻伐屢摧堅况復墳篋飲古賢留飲馬山聊對瓊進援鳥取忽回轍



壯丁曾約羽衣擊晚節猶慚猴臂牽誰道英雄戎劍耳軍營有暇閱韋編

全

全

攻城野戰自垂髫七十餘回力不撓棠棣分支俱比秀爪牙張勢各爭豪  
武門龜鑑旌勳策皇祀鴻榮被寵褒麟閣可圖奇表快山營風雪醉陶々

全

全

天下群雄擅翦屠此宗義戰報功殊宕山擬據遺神策上月期衝篤友于  
鮭毒今羞吁猾主蛾嬌曾謝固剛夫吉川維吉東流久繼出龍兒又鳳雛

讀元春公略譜漫詠

江連堯則

山陰徇下畧山陽睨視中原逐鹿場七十餘回未曾挫老來猶愧屈猴耶

全

全

曾從少壯握兵權贊翼宗家四十年莫道英雄常好色畢生又伴醜妻眠

讀吉川元春公傳有作

平田辰

新田惜別誤軍機補氏辭賜誓不歸耶君明識當鑑此却不擇妍擇其媿  
大義乃當邦家事果見先鋒每勝利十有三州平定功無不賴公之一臂

全

全

十二蒙堅能用兵博來中國兩川名抑強扶弱兼威德受托納降尤正平  
兩外勇鑿嚴島敵爐頭軒睡馬山營朝廷今日嘉遺業 聖敕新傳不朽  
榮

吉川元春公

橋政直

殊色寄情今古同能離人欲只斯公娶他醜婦生佳子護得宗家共盛隆

全

晴

聘迎媿婦益強兵翼得關西霸業成地下爺靈含笑聽戰場勦敵凱歌聲

吉川元春公三百年祭辰恭賦

隨朝震

當時孫策戰功傳回首風霜三百年今日裔孫修祀事庶羞清酌薦神前



全

淺田清任

斯公偉蹟耐尊崇材武由來同父翁百戰勇圖垂典籍十州豪族服高風  
能當亂世勤王事特翼宗家輔幼冲一夢悠悠三百歲秋霜烈日祭英雄

吉川元春公

市倉兼吉

取銳蒙堅萬死甘四隣邦國恣攻截餘威今日起么懦高節當時廉戾貪  
阿武川心流向北鬼城山脈走追南多君一意衛宗室况復弟兄和樂耽

吉川元春公三百年祭恭賦

本田定季

豪爽從來善用兵存心宗室輔吾兄七十六戰昔甘死三百年祭今似生  
知醜而婚熊谷氏示寬且醉馬山營維新追賞勤王志特賜吉香神社名

全

古關直紹

補翼勳功不自誇聲譽累世又何加當時文武振威猛終歲忠誠布德華  
醉臥馬山夕吟雪行吟湖水夕頭霞神靈應是無遺德長使兒孫護國家

明治十九年十一月二十五日

吉川侯其祖

隨浪公三百回之忌辰爰修祭典以致追遠之誠汎募詩歌以  
頌功德之盛乃草鄙辭以代蘋蘩之薦

兼重慎一

吾惜不使斯君提銳兵席卷山陰建牙宕嶺清句服內顯有虞志不果還  
護宗家重泰嶽吾理我疆除榛蕪樹下兒來那妨余背水布陣餓虎奮頓  
見京軍偃旌趨英略有餘天促壽孫子永貽勳王謨君不見小瀨一轟敵  
騰襲敗兵爭走舟如咽又不見瀨水雄山搗敵營舖旗央々下華城 皇  
京累定萬象仰靈兮洋々其來享

吉川元春公三百回忌辰見徵詩文於四方因應其索

矢野真吾

遙々華胄出英雄十有三州伏威風况有龍駒鳳雛在周旋夾輔奏奇功



一則善謀一勇決兵鋒共擅孫吳術馬山陣軍人骨寒痛飲淋漓對風雪  
一時養銳靜如山駒々駢聲起坐間敵軍沓至視如蟻從容不改醉時顏  
別有高明不可及娶得醜婦垂家法麟趾振々好男兒伯兮仲兮迭角立  
蔚山之戰壓髻奴背轍馬蘭換金蒲乃翁應含笑地下驍名益著巍々乎  
於戲吉川之水流不息永與宗家護社稷

隨浪公三百年祭謹賦

樋口文紀

領略山陰佐乃翁猿郎畏避獨斯公霜刀斫敵竹迎刃鐵騎衝營草偃風  
鷄血和成何變約鶴原事急奮忘躬豐家遺迹今安在斷瓦唯看存畫桐

拜

隨浪公肖像有感謹賦

阪本泰吉

稀世英雄世所推仰看瞻視不凡姿高峰轉石兵機銳死地求生韜略奇  
千古美談迎醜婦多年正氣庇孤兒終身漸見猿郎面西伐先鋒漢度辭

隨浪公三百年祭正辰恭奉供壇下 大草小雲

蘋蘩肅々後昆榮三百星霜送太平輔翼宗家今若昔一川復舊兩川清

今茲十一月念五

從五位吉川公被修

隨浪公三百年祭典徵其扈從臣三十六士之胤末而賜宴邦彦

亦與焉感戴之餘誌喜 平佐邦彦

祭典儀成三百辰偏欣慶謙及微身當年戰狀今堪思便是馬山營裏人

詠霜後菊併題馬山陣圖 森脇退藏

老菊縱橫枿雙枝獨存傲骨壓藩籬憶起二叔扶宗子維藩維籬侵者誰  
投匙而起日西沒睢陽失守江不支大敵當前水在背孟明焚舟扼晉師  
解甲舉杯呼猛士蔡城夜雪譚兵機今披此圖霜髯豎又對此花想英姿  
菊兮菊兮有靈否此花伊人同一肌有似晚芳期晚節折腰寧屈孛履兒







不問而知其爲馬山陣圖也當是時豐公陣種石其兵稱八萬下瞰馬山而馬山兵纔六千主將正惠公自絕走路示士卒以必死近臣或有欲勸退避者公泰然不動圍爐對酌旣而鼾睡如雷近臣遂不敢言其爲宗家竭力如此是雖豐公之雄不能有加也明治中興之初敕曰曩祖元春忠勇拔群輔佐宗勤勞王事爲武門之龜鑑嗚呼公得此一勅其亦可以瞑矣

全

落合濟三

濟嘗讀史至信長遣秀吉徇山陽我隨浪公欲率兵三萬經丹波但馬上愛宕山以瞰京師與信長決戰歎曰嗚呼義經已還善出此奇者獨有公耳今觀此圖面湖背川斷橋梁毀舟楫以六千人仰視八萬之敵於山上釋甲命酒與諸將談兵略所謂將軍之事正以治矣故以秀吉之雄略而斂兵去公亦不肯追他日秀吉語人曰吾數與元春治兵常恨不相見以

談往時戰略蓋爲之也石川丈山論信長秀吉曰信常用奇戰秀頗用正戰有形于秀之軍無形于信之兵濟謂公則兼之矣抑使公果上愛宕山以瞰京師不知信長能得從容整暇如此圖耶

全

中山樵

良將之用兵猶船將之於船乎夫航萬里之海上者一旦遇暴風則激波如山風力怒號殆不免覆沒之難當此時船手乘客皆無人色而爲之船將者不敢疑針路談笑自若確乎不動者何也蓋前知其當然之勢能決救濟之術於未然之初也我隨浪公馬山之陣是船遇暴風者乎秀吉擁八萬之大衆陣於種石山直瞰視馬山所謂一船之外激波如山風力怒號其覆沒亦未可知者而我公見而如藁人釋甲命酒醉而鼾睡焉其所以能然者蓋亦前知其當然之勢而濟之於未然之初也乎何曰濟之未然之初曰公平素重信義善養其兵是耳苟不然誰敢聞命危急之間奮



躍赴死地哉凡戰國之風捨義奔利古今之通常而爲其主樂死者吾未見有如我吉川氏君臣者丸山鳥取之二城亦可以察焉宜哉秀吉知其必不可敵而退軍也舊志云公大小七十六戰未嘗敗衄蓋亦公信義養士之所致乎嗚呼公沒後于今三百年雖其間不能無得失而祭祀無窮長養舊臣以遭遇維新隆盛之今日是皆公之偉功德澤之所溢豈可不堪慨嘆也哉

全

三戶 需助

本邦中世以還士氣何甚與彼秦雍相似秦風曰王于興師修我戈矛與子同仇蓋秦雍周之古都宜矣淳樸之俗久而一變爲精銳果敢敵愾之義氣也唯有此義氣尙足以滅六國移周祚亦可謂盛矣夫本邦先王神聖之化感染民心數千年則其思愛誠敬緩急臨事以身殉國者豈啻周末秦俗之比耶吉川元春於馬山是以身殉國也絕橋毀舟解甲軒睡

以必死據焉猶虎負嵎也雖有百秀吉何足懼焉勇氣堂堂可以蹂躪八紘況於扞禦此眇々一隅何有耶蓋其忠義滿腔沈斷果毅因事成功概如此英氣貫日月雄風溢六合千歲之下尙有生氣矣今時將校具有此風骨者有幾人哉

全

片山 武助

戰在於機得機必克失機必敗然事機之來間不容髮苟非果斷勇敢莫以處之矣北總管馬山之軍豈非所謂得機者哉夫秀吉者絕世英傑用兵如神其攻伯州也衆稱八萬以之臨戰猶摧枯朽也然而及北總管支之於馬山遽收其兵而退者何也馬山固非要害之地也總管之兵固非多也以秀吉之銳鋒臨之雖有總管之勇豈能支之乎而秀吉退避不敢攻之者是無他總管果斷勇敢不失兵機之所致也當此時秀吉已陷鳥取其鋒甚銳殆有席卷中國之勢蓋非尋常畫策之所能敵也總管奮然



以身當其衝絕橋毀舟自絕走路決死以待焉何遑問兵之多少地之利不利哉秀吉視其陣營之嚴整將士勇奮之勢大有驚於總管也沈思久之知其鋒必不可當宜乎其收兵而退也假使總管行區々姑息之策乎安保無毛利氏顛覆之憂哉噫公之於馬山小早川之於碧蹄驛或談笑以退秀吉八萬之軍或決戰以鑿如松十萬之兵如公兄弟真可謂敏兵機者矣

全

佐伯德介

訓練士卒修築塹壘積備糧食而後可以服敵乎曰不然非果斷剛毅守信義者則不可也蓋非果斷不能以決兵機非剛毅不能以當大敵非信義不能以得士心隨浪公馬山之役可以見也夫馬山種石城下之一小岡左右湖山後迫大川而公命絕橋毀舟自絕走路可不謂之果斷哉秀吉列八萬兵據要害之地而公從容不動圍爐飲酒醉而鼾睡非剛毅豈

能如此哉公平生以信義感服士心故士勇於公戰知進死而不知退生皆勇奮踊躍欲以一死報君恩豈非信義得士心者乎其惟如此秀吉雖有八萬之衆豈能當之哉其不交兵而引去不亦宜哉嗚呼秀吉雖一定天下其所行唯詐力耳故死後忽瓦解矣獨公養士民以恩惠結之以信義以故其德澤長及子孩久而益盛也孟子曰以力服人者非心服也力不足也以德服人者中心悅而誠服其謂之乎然則公之與秀吉其成敗豈啻馬山之役哉

全

戶津川英三郎

良將之遇士卒必重信義是以恩威並行無不心服者義者感激益盡力奸者悔過欲得其功人々奮起爭欲爲其上死而後可一歎百矣舊史云隨浪公勇決重信義士之有氣節者奉如神明而讒佞之徒皆側目畏服焉宜乎其能以寡擊衆前無堅敵也夫馬山一小岡左右湖山背迫大川



繞通一橋固非要害之地也况秀吉以驍勇顯連拔諸城而今擁八萬之衆陣於種石城後公毅然不動撤橋毀舟釋甲鼾睡何其勇決也而將校奮激士卒勇憤皆踊躍欲爲公效死焉可以見其得士心也秀吉遙望公營視其陣整肅如鐵石猝引兵而退蓋知其銳不可當也若使秀吉操旗鼓出戰乎其八萬之兵爲公所鑿盡也必矣嗚呼公之明決信義可以見矣

全

檜山 太郎

豪傑之士行必義言必信故其功成而其澤遠矣與夫智術之徒固不可同日而語也吉川隨浪公勇毅重信義深得士心故其用兵號令嚴肅所向莫不摧破當公時能戰者唯羽柴秀吉也然以區々小智淺術自矜以爲天下無敵其出師山陰也擁大衆來陣於種石城後公要之馬山以自當其衝馬山左右湖山後迫大川公命絕橋毀舟釋甲而鼾睡毫不介

是豈子々小丈夫所能爲哉蓋公之視秀吉猶以利刀斷腐索破之眞易々耳秀吉眺望公軍視其隊伍嚴整炊烟裊々而起撫然有懼色猝引去矣夫秀吉亦非英武之將哉而其望公軍即去者何也以信義之軍堂々不可當也嗟呼公之勇略談笑以退靡八萬勁兵於孤城之下至今生氣凜々與馬山並存其功不亦偉乎

全

吉田 隆輔

是隨浪公陣於馬山之圖也予對此圖悵然久之嗟呼公之爲人勇決義烈卓絕千古其用兵也投機應變決成敗於呼吸之間擊而無不破戰而無不勝所向皆靡勢如破竹誰能當之哉秀吉之陷鳥取也兵氣甚驕目中無敵公要之馬山奮然當其衝公之從兵不過七千且馬山左右湖山後迫大川繞通一橋耳而秀吉擁八萬勁兵陣種石城後直下視馬山公毅然不動絕橋毀舟自絕走路釋甲命酒醉而鼾睡其膽勇果何如也宜



乎秀吉之知其不可敵而退軍也當此時公氣勢凜然既吞賊矣雖有百萬勁敵於破之何有况區々八萬之兵固不足論也然則泰山雖崩於前儼然不驚大川雖溢於後屹然不動者公也嗟呼如公者是眞可謂絕世英傑也

全

河北豐造

均是膽力果斷也而其所行一用私智一由信義則其勝敗有大異也觀秀吉與我隨浪公之事可以知焉織田信長嘗稱秀吉曰大膽藤吉其膽力可知也且秀吉之用兵臨機制勝不失其宜可以見其果斷矣然其所行皆私智耳安能敵信義之軍哉秀吉圍鳥取也兵威太盛目中無敵公欲援之率六千人入伯耆則鳥取既陷公乃留陣馬山而秀吉至矣兵稱八萬騎陣種石山上下視馬山左右湖山後迫大川繞通一橋耳公命絕橋毀舟楫自絕走路何其果斷也蓋公臨宗家危急以身當大難之衝而

不辭豈非信義之至者乎且公以寡兵陣不要之地而毅然不動釋甲解睡毫無畏避何其膽之大也諺曰強將之下無弱卒公之膽力已如此故其下皆忠憤義烈忘死耻生勢如猛虎秀吉視其陣營之嚴整士氣奮起憮然有懼色遽引兵去夫秀吉固非無膽力果斷者且當時擁精銳八萬陣險害之地而遂不敢戰者知其必不敵也使之戰乎吾知其必一敗塗地也是所以私智之果不及信義也嗚呼天下使秀吉畏避者獨公耳雖然其膽力果斷永爲萬世將士之範則一也

全

南方靜一

勁兵八萬旌旗遠連者是秀吉種石之營也部伍嚴整炊烟裊々而起者是吾公馬山之營也秀吉乘勝而進目中無敵而公要之馬山毅然不動綾衣長袴圍爐而坐命絕橋毀舟自絕還路秀吉猝引兵而去公不敢尾擊也夫秀吉之不敢戰者蓋知公之軍鋒不可當也公之不尾擊者蓋知



其有伏兵也假令秀吉出戰乎一敗塗地也必矣假令公尾擊乎其勝未可必也嗟呼兩將用兵如此雖然秀吉何能敵公之勇哉

全

吉木蒼生雄

是爲吉川隨浪公陣馬山之圖公之用兵如鬼神所向莫不披靡此役也秀吉已陷鳥取士馬精銳兵氣大驕及其來陣於種石城遙望馬山視號令嚴肅將士勇奮之狀速引軍取是無他憚公威也嗚呼公之勇談笑以退秀吉八萬之衆天下誰能當之哉余嘗閱日本外史至是役撫案而嘆焉惜哉使敵未去一鼓而擊破之必得大勝矣又讀至秀吉之退公不敢尾擊益有以知公之智略也夫秀吉狡將也豈不備而退軍哉假令公尾擊乎其勝敗未可知也嗟呼公之智謀勇略如此宜乎其英名轟於萬世也

全

竹田忠槌

雪花紛々湖山出沒于其中陣營寂然炊烟裊々而起風色嚴肅使人凜然者是吾隨浪公馬山陣圖也公豪爽善戰以寡擊衆前無堅陣而能來爲敵者羽柴秀吉也秀吉夙以膽勇自負唯敵是求其入伯耆也以勁兵八萬陣羽衣山之城後而馬山其下之一小丘且左右湖山後迫大川而公毅然不動釋甲而坐賜酒諸將更命撤橋毀舟自絕還路秀吉已驚公之膽勇又視其部伍嚴整將士奮起氣奪鋒挫粹引兵而去嗚呼當時運籌決勝無敵於天下者秀吉也而公以寡兵當其大軍談笑而退之公之膽勇其果何如也可不謂之絕世英雄哉假令秀吉不退乎我軍決戰殲敵兵于馬山之下也必矣可惜也

全

福坂幸太郎

是爲馬山圖馬山距種石七八里真一培塿也且左右湖山後迫大川仰望種石諸峯如在頭上而種石之軍旌旗林立警夜之銃與雪相映然則



馬山於種石真不免爲網中魚也而公白綾衣淡碧袴擁爐而坐賜酒諸將更命絕橋破舟自絕走路當此時秀吉擁八萬勁兵乘勝而進目中無敵而公視之猶虫蟻自若鼾睡毫無憚色其膽勇豈非所謂不動如山者哉夫秀吉亦膽勇自負固非引大軍而徒去者也而此役不敢發一矢而退軍者蓋視公之所爲知其不可敵也三形原之敗家康入濱松城命開諸門飽食酣睡鼻息如雷信立不敢入而退其事頗與公相類然家康敗屺之餘窮蹙而然耳如公則不然勇奮義烈自當其衝而不辭較之家康其優劣果何如也嗚呼公之膽勇誰能敵之哉

全

品川隆甫

夫制敵不在地利不在兵衆唯在將之所爲何如耳北總管之陣于馬山從兵不過七千而秀吉以八萬勁兵據羽衣山夫馬山較之羽衣真一培塿羽衣之視馬山猶在脚下且總管之兵衆不及秀吉之十一也然而總

管毅然不動撤橋破舟以自當其衝而不辭以故其下皆奮躍敵愾以死自矢秀吉察其銳不可當退軍而不敢戰也嗟呼秀吉以膽勇自負而至與總管戰何遽怯也以地利則馬山不若羽衣之險以兵數則總管不及秀吉之多而其怯如此者是無他驚于總管之勇而氣奪勢挫耳昔者曹操破荊州順流而東衆號八十萬周瑜以寡兵迎擊於赤壁大破之矣假令秀吉當總管乎亦安知不如操之於周耶耶予故曰制敵不在地利兵衆而在將之所爲也

全

有田嘉橘

百萬之衆不足恃也山河之險不足備也苟將勇決而士精悍則何敵不可破哉昔者曹孟德破荊州泛江陵而下戰艦數千旌旗蔽空中旣無吳而周瑜以兵三萬迎擊之於赤壁鑿其八十萬衆矣非勇決何能如此哉是爲我隨浪公陣於馬山之圖左右湖山後迫大川中間一高丘爲馬



山旗幟儼然鐵騎六七千是我公之軍也山前高山聳立要害尤佳者爲羽衣山陣營遠連精兵七八萬是羽柴秀吉軍也余對此圖慨然久之夫馬山要害固不如羽衣之險馬山兵衆固不如羽衣之多且秀吉乘連捷之勢目中無敵而及其望馬山軍不敢戰而退者何哉是無他視其部伍嚴整將士勇奮之狀知其鋒不可當而然耳若使秀吉一戰乎安知其敗績不如赤壁哉嗟呼兵衆地險何足恃哉且夫兵之勇怯在將將勇則兵勇將怯則兵怯公之於秀吉也地利兵勢皆不及之而氣節凜然毫不撓屈命撤橋破舟釋甲鼾睡其膽勇果何如也以故部下皆感激勇奮爭欲效死上下一心其銳不可當是所以其坐而退強敵也古云強將之下無弱卒豈不信乎

全

永田新之允

水流山聳旌旗翻々翻于其間者是非吉川隨浪公守馬山之圖耶元龜

天正之際天下紛亂日事兵爭東西攻擊一仆一起父子相殺兄弟相鬪以奪其國者比々皆是也獨隨浪公剛毅正直所行無非信義以故士氣大奮所向皆勝史稱公之守馬山也左右湖山後迫大川公命絕橋毀舟自絕走路從容不動釋甲命酒醉而鼾睡嘻公以孤軍據危地眼前支秀吉八萬之兵神色泰然毫不畏憚其膽勇義烈不亦偉哉宜乎將士奮躍不顧死也秀吉以其勅鋒不可犯急收其兵不戰而去蓋亦非英雄之籌筭相投何能如此哉若使秀吉爲豬夫其暴屍於馬山亦不可知也兵法云不動如山侵掠如火公之用兵其足以當此歟

全

沖野峰樾

自古英雄爲事也必先明決時機斷然不動而後天下之事可坐而定耳苟失其機苟且不斷其不覆亡者未之有也古人云先則制人後則制於人不失時機之謂也秀吉之攻鳥取也我隨浪公欲救之以六千人馳至



伯耆則城已陷矣秀吉乘勝鼓行而進精銳八萬目中無敵公奮然切齒自陣馬山以當其衝馬山左右湖山後迫大川纔通一橋公命絕橋毀舟毅然不動時方大雪公釋甲而坐賜酒諸將醉而鼾睡將士奮躍人々願戰秀吉視其決戰之狀銳鋒頓挫急收其兵而去嗟呼公之用兵何其神速也若令秀吉在斯地乎戰鬪之機蓋爲公所先也其不可敵審矣秀吉之黠智斯免之耳偉哉公之勇略是所謂明決時機斷然不動者乎

全

兒玉縫之輔

凡將兵者不可無果斷也能果斷者可得不可得之勝而無果斷者不能成可成之功項劉之爭雖固有優劣亦因果斷而成敗耳使羽果斷而用范增之言乎中原之鹿落羽之手亦未可知也謀不出於...徒負其勇遷延以至取敗悲夫吉川隨浪公之用兵也勇決果斷前無堅陣今視斯圖公以寡兵陣馬山而敵擁大兵據羽衣山馬山左右湖山後迫大川公命

撤橋毀舟自絕走路而毅然不動是兵法所謂陷之死地而後生置之亡地而後存者乎可謂勇決果斷矣秀吉夙以膽勇稱加之以連捷之氣眸中無敵且據要害之地其兵亦十倍于我然而彼不敢戰而速退軍者何也無他知其不可敵也嗟呼公之果斷所謂得不可得之勝者乎夫機會之來間不容髮苟使公以區々姑息之計處之則彼必乘勝駭々來逼矣豈不危乎非公之果斷誰能如此哉後之將兵者宜鑒於斯圖矣

全

大塚慊三郎

是爲我舊主祖吉川公馬山陣圖按史是時公據水斷橋毀舟自示必死秀吉亦不進擊予謂秀吉以數萬精銳不肯戰智而怯公孤軍當之挫敵膽于釋甲呼酒之間明而勇夫明勇與智怯孰優孰劣已判于鼾睡中矣不必待接兵交鋒而後知也



書吉川隨浪公親寫太平記後

近藤幸殖

毛利氏伐尼子氏戰於因伯雲石之間者七年隨浪公每在先鋒指揮諸將遂滅尼子氏使宗家領十三州公在陣中呼筆硯親寫太平記以自娛焉想其執筆之際縱論勝敗得失吐露膽肝以暗弄褒貶與奪之權使左右聽之將士爲之憤發卒伍爲之淬勵大有益當時蓋一時計略鼓舞兵氣之一術耳嗚呼公之以豪爽雄雋手寫之豈無故而然邪然則爲其子孫者宜保存萬世以爲一家無二之寶也明治十九年十一月公二十九世之孫經健君舉三百年祭典徧請世之文士頌公之事幸殖曾有所感聊呈一言以換白蘋云

全

龜谷行

元春公抱英雄之資以奉旗斬將之手親寫立惠之史可謂有儒將之風也公素協力於宗國而推尊王室誅伐叛臣其好義出於天性矣因憶



公操筆至奸雄跋扈 乘輿板蕩際其慷慨憤激果爲何如乃知 公精神磅礴乎楮墨之間焉若使 公生於元弘建武時乎其敵 王愷唱大義未必讓於楠新田諸公是最可惜也然至其後裔 經幹公翼贊明治中興勒功於鼎鐘公亦可以無憾也夫

全

川口 喬

右太平記一部吉川駿州公手寫以傳家者公晚年不得志其寫此書或有所望於後世子孫歟蓋明治中興繼元弘遺志者而公之子孫輔毛利氏以建偉勳余私以此書爲家訓之一焉抑太平記作者久逸姓氏今年史館檢閱古書乃知小島法師者所著實當公三百年忌辰之歲矣若使余說不誤乎則此書一經英雄之手遂爲翼贊聖代之其實法師之榮也其姓氏之始著於是歲者可謂奇遇也哉余感其事之非偶然書以置其末

全

松岡 蘆村

昔者杜荊州在軍註春秋左氏傳自非其人器宇寬大矢石倥偬之際焉能得胸中著此閑日月然則荊州之功名豈特待一方略而成者哉今觀公手書太平記無慮四十卷相傳云操筆于戰陣之間何其與荊州異其地而同其轍也宜矣 公一旦略十三州而無敢抗之者荊州嘗曰兵威之振譬如破竹數節之後迎刃而解余於 公亦道之嗚乎人器宇不寬大果不足有爲我豈欺人哉

全

中村 鼎

以一部之太平記爲韜畧可以當大敵以一部太平記爲經國大典可以保國安民英雄讀書與書生不同也 吉川公在陣中親膾寫太平記其用心之深可知矣嗚呼其輔父經畧山陰山陽十三州才畧智謀雖謂天才然得之讀書爲多不然何以在干戈倥偬中爲此區區之事乎宋趙普



以半部論語輔藝祖取天下以半部論語佐太宗致太平如公蓋亦有所得斯書歟吾人所讀書不下數千卷而一無所得是爲可慨耳

全

丹下量平

戰必勝攻必取古蓋有其人矣吸癰分食使兵卒俱死生赴水火亦不爲必無其人矣但事之適理行之合義者得其人則不易得也事適理行合義然後其氣始泰然眼無勁敵之可懼者以衡行於瀛海之外可也事之適理行之合義者余獨於吉川駿州公見之小早川氏之急將士皆不欲援也公獨奮曰如宗家何諸君不往則已吾寧單身赴之與隆景共死耳矣小早川氏之士聞斯言者誰不願爲公死不特小早川氏之士願死也毛利氏十三州之士皆將爲公死焉兄弟友愛之情發而爲勇猛敢往之氣百世之下使聞者凜然作氣奮於忠悌之情宜矣哉豐公之最畏公也余每讀史到此未嘗不感嘆失聲也公在軍中自寫太平記四十卷其書

今猶存矣英雄所養自綽々有餘暇其爲人可想也夫

全

近藤瓶城

此書若干卷係吉川元春朝臣書而家世所傳尤不可疑者也然公之業百戰以經營中國當嚴君之喪仍執干戈曰當敵以慰靈魂公之平生無髀肉生可知矣何暇以弄筆墨邪及三讀公之傳然後果知有此書也夫公之欲爭雄於中原也久矣及將軍義昭來投三丹豪族納款厥然建策曰吾卒山陰兵上愛宕山瞰京師與信長相持不戰使隆景入大阪謀北陸絕敵糧矣而攻之可一戰而破也是楠氏之所謀也是公之所得於此書也於是乎想見公平生之戰機之謀畧則得於此書者蓋多矣若使公謀行則織田氏命不待上彼山祈神祐者而亡焉亦不可知也公有此書豈爲弄筆墨邪



全

矢野 温

嗚呼吉川元春公之於宗家也猶本多中書之於德川氏加藤肥州之於豐臣氏也歟小心翼翼々奉戴其主終始不渝萬古人臣之模範矣而其豪勇絕倫經數十戰兵鋒不鈍浩氣磅礴爛然天壤之間千載之下凜凜乎猶覺有生氣焉太平記數十卷是係其手寫字畫嚴正筆力活動亦可以見奮鬪無前之氣矣蓋古未有刊書也其讀書好古者倩人書寫而公戰鬪之暇自謄寫不知倦焉其於文事亦可知矣是中書肥州之所不有也嗚呼偉矣哉

全

園田 謙 吾

世人論二叔之爲人輒莫不以文武分之者隆景固文矣而元春不必以爲無文矣予聞其在洗合陣中謄寫太平記歲餘終四十卷其精力過絕人不特驍勇鞭弭爭鹿之中毫勳筆勞做得不撓所謂英雄胸次別有閑

日月也可以見矣然二叔之智謀勇略不無所由焉乃父元就長戰國陣中猶延儒講書而軍機兵法私有以所鑒是所以其討一逆而服四鄰也比諸北條長氏之使讀兵書而聽之行事相等而心術則否蓋元就之沈毅文采出於音人匡房之二祖而二叔之好學稟於乃父則其能臨機應變摧堅挫銳亦安知不由乎讀力之所資哉寫太平記豈久圍消閑之爲矣乎詩曰維其有之是以似之嗚呼大江氏之遺風遠矣

全

外村 一 郎

是爲吉川正惠公自書太平記全部四十卷皆在軍中所手寫云百戰煩擾中胸次有閑日月如此嗚呼英雄真不可測也然以余觀之是乃英雄之所以爲英雄也當時鞍馬倥傯割據一隅者所規惟利以戰鬪代眠食未嘗用心文事滔々皆是也公則佐宗家勤王事攻城野戰七十六回而猶用心於文事者豈可不謂英雄乎哉昔者源親房在軍中著神皇正統



記其事雖異其用心於文事則同矣友人某爲余說其詳且徵一言余盥  
嗽書之使人知昔之英雄能兼文武也

全

山田武八郎

自三百年之後欲知三百年之前可謂甚難矣雖然英雄豪傑之事蹟雖  
經千歲之久尙且赫然明乎青史嘖々爲世人之所稱則其人雖死其魂  
雖散至其功名事業則決不朽不滅也又況於有其自執勞竭精之遺物  
而今尙存者乎華族吉川經健君以今茲丙戌之冬十一月二十又五日  
大行 家祖元春公之三百年祀辰之祭典且求諸江湖以詩歌文章題  
以公之所自書太平記余聞之嘆曰嗚呼山陰山陽十三州之地是實公  
之與家兄躬取汗馬之勞犯矢石之危經營整理之以傳芳名於百代也  
蓋想見當時櫛風沐雨往來乎千軍萬馬之間則豈是不可不謂天下之豪  
傑乎哉今也其人死三百年於茲矣星移物換國勢一變永膺太平之運

尊子賢孫各負榮爵金殿之上聖廟之下享鬱鬱供純嘏豐之祭祀則在  
天之靈欣然來享也必矣是豈非無前之盛典耶然而此之書實公之自  
書也則其精神之所注會者在此中而存焉則見之猶見公誦之猶話公  
也吁三百年之上尙何難云乎哉余雖無似窃不堪懷古之情因爲錄數  
言以汚書後云明治丙戌之冬臘月下浣

全

吳 秀 三

余讀史至建武應仁之事未嘗不掩卷而長大息也甚矣哉皇家之陵夷  
也自大權一歸於武門蓋不可復收拾後醍醐英資祐以楠源諸公纒克  
復之而忽復失之於足利氏皇家衰弱徒擁虛器其衰至應仁而極矣嗚  
呼當是之時使天下苟有通於大義明於名分者孰敢不感奮激越効力  
於王室然當時天下大亂豪傑蜂起戰鬪爲事義理之道不講固久矣惟  
尾有織田氏藝有毛利氏皆存心於王室首唱大義稱兵大呼四隣匪徒



皆奔竄噫以二氏材武不能一匡天下者豈非命乎然織田氏克復自任非天下之才若毛利氏則智勇絕世文武並用又以兩川爲羽翼其興不亦宜乎余嘗竊疑毛利氏當兵馬倥傯之時自幼被堅執銳驅逐馳突之事當強坦踈猛而能通大義明名分其何爲也嘗讀毛利紀至洞春公好周孔之道工於國詩三原黃門受任筑前興廢舍齊制令境內大治余於是乃知二公有素非攻守之講如甲越之主也隨浪公心事卓犖所爲類古人蓋有得於古道而史不傳其文何也今茲丙戌丁隨浪公三百年忌辰公裔經健君廣徵天下以文章書自書太平記後公圍富田洗合營中所手寫云余而後知公之志於學亦非一日也不然則介冑之士攻守之事者而偷閒以寫一部太平記者蓋公於世有不滿於意者藉以發其憂憤鬱積耳公一生之所遭遇亦一部太平記耳建武之初北條氏專恣幽囚至尊虐待廷臣皇威墮地何其與足利末世異也若夫應仁以後四海

紛擾日月晦塞終之天下遂歸於豐臣氏陽尊王室而奪之政柄是後陽成帝之義滿也而應仁之際無英主如後醍醐帝者實千古臣民所共憾而雄武如公智略如公知道明義如公英雄抱志不容於當世臣事其所不好如公者而誰謂無感憤咨嗟不能自禁也豐公之西征公不輒出々則幽憤病死亦可以窺知其志也吾故謂公之寫太平記蓋有深意存焉想公手是書熟覽爛讀日夜繙誦也必矣至夫楠源諸公舉義之事必扣案快呼朱圈紫點溢於紙間矣至高時尊氏之叛亂則憤怒叱罵塗殺抹滅矣若夫三木一草之死芳山受圍之難必有慷慨不禁淚痕印紙者嗟夫余不見其書獨想象公當日之情已余安藝吉田人鄉有郡山城址又洞春公墓在焉則毛利氏用武之地登此則中國脊梁可俯以窺二道余嘗登臨見公攻取之跡感其大志又嘗遊于嚴島慨然思公取義之狀全既有此書益知毛利氏之興非偶然也乃叙所感以書其後



全

竺原 謙

今茲丙戌十一月廿五日屬吉川治部公三百年忌辰裔孫經健君舉祭式因設題徵詩文于世以慰公靈中有書自書太平記者蓋公在洗合營中所手寫云余夙讀史欽慕公之英風久矣豈可無一言乎嘗怪古今不乏智勇而智者每失於智勇者多錯乎勇者比々皆然獨公之智勇謀必中戰必勝未嘗挫敗者何由而然也及觀其在營中寫史則融然冰釋知不足復怪焉夫洗合之役宗家成敗興壞所係使常人處之宜寢而不寐食而不飽日夜憂慮之不暇也而公運籌決勝之餘執筆對案爲儒生所爲其胸宇海濶天空有閑日月可知也夫海濶天空者度量之宏大也以宏大之度量運以智勇宜矣其發乎智者綽然不失發於勇者從容不錯而終身無所蹉跌也雖然更有大焉者太阿之劍可以生人可以殺人在操之何如耳智勇度量亦然非有基本確立不動者不可復全焉是故韓

淮陰之智勇而斃於叛逆謝安石之度量而優遊棲遲此豈獨有所偏亦由基本之不立爾公大小七十餘戰皆爲宗家而不爲私使宗家敵王愾奏偉勳者公力居多故純忠至誠公之基本也其區區乎太平記者安知非由忠誠之心默契古忠臣義士所爲有不能自己者耶不然在兵亂倥惚中何苦而費精筆札也由是觀之智勇度量固所以相濟而忠誠則所以全此三者也則知公之終身無所蹉跌者在此不在彼而凡天下之事非忠誠訖不可成矣今世之人欲立功興業而不知忠誠以行之雖有智勇度量適爲自恣害事之具功業未成而刑禍既隨其身嗚呼此余之所以欽慕公之風不能已於一言也抑余未覽所謂自書太平記者想斯書成於戰國間其卷帙裝潢應必有異而字畫體勢弩張雄渾若其才儼然莊重似其德亦可知也他日幸得寓目以證之於是乎書



全

木下 龜

吉川氏所藏太平記四十卷其先祖治部公陣中所自書云公為人智勇兼備最長攻城野戰之術能輔翼宗家使之輝武於中國其功不亦偉乎公之在軍也銃丸雨注矢石交下談笑自若決勝于兩陣之間非智勇而何餘暇憑几把筆書此卷豈尋常將士之所及哉是雖小冊子足以見此公度量矣苟無此度量而輝武於千軍萬馬中者未之有也然則公之書此卷以貽後昆其意豈偶然哉是吉川氏之所以三百年來珍藏而崇敬也歟

全

小林 靜 枝

余嘗聞之有文者必有武而無文者非真武也有文而無武者非真文也此二者猶車之兩輪相待而為用者焉天文元龜之際武夫猛將割據于國郡各自力耕戰而有文者甚渺焉隨浪公於戰陣倉卒之間能寫

此書亦足以知其材兼文武矣宜哉其能橫截中國以霸于關西也余竊有所感乃書

全

三輪 毅 一

世之稱隨浪公者輒曰其智勇而善戰然是知其小未知其大也其大如何曰在全舜倫也在崇文學也凡此二者為公大可稱道者而智勇則不與焉夫元龜天正之際天下淆亂父子相戰伐兄弟相屠戮豈復遑顧文學何物乎獨公不然其事洞春公盡其道可不謂父子有親乎輔嫡孫輝元公終始不渝死而後已可不謂君臣有義乎與公弟黃梅公輔翼宗室無一嫌忌非友兄弟乎陣中管手寫太平記是非崇文學乎其太平記一小說耳猶且在陣中寫之則其平素留意於聖賢之書可知也嗚呼此數者雖古名將何以過之況當時群雄乎是其為隨浪公大可稱道者也余因此卷而知公之崇文學而又知其全舜倫由崇文學也某書



全

坂本泰吉

是書隨浪公伐尼子氏時在陣中所手寫筆鋒勇健墨色淋漓足以想見公之爲人也公生干戈日尋日所講戰畧所執弓馬况如伐尼子氏前後費七年之久櫛風沐雨豈暇手寫乎且使令不乏人何必須手寫乎然而能如此者出於讀十遍不如寫一遍之意歟余常感公之壯也娶妻不娶美婦故娶醜婦何其淡於色乎豐公之欲改封於筑前也固辭不受何其薄於利乎今及觀是書始知公天資英明且好文有見治亂興敗之故賢愚得失之蹟是以用兵之不獨得其妙所行又有人之所不能及者雖古名將何以過焉世稱公以武稱黃梅公以文不知公好文有更甚焉天若假公數年則興學校禮先聖亦如黃梅公而獨是書傳於今而已哉

全

佐伯新

優游弄文墨而浩穰成編著固不足怪焉躬親汗馬之勞而著不朽之好書魏武帝唐太宗之外其有幾人正惠公勇武轟名宜其錄一名字之不暇而有此手寫太平記英雄胸中有間日月如是哉

全

豐島諒

博觀古今成敗以鑒時運興廢者主將之要務而古來勇將能如此者蓋亦少矣我先君隨浪公生于群雄割據之際四出攻擊未嘗一日高枕然而在于軍中手寫太平記四十冊雖匆遽中未嘗措筆蓋讀之効不若寫之精且詳也英雄用心可謂盡矣其然是以公之用兵大小百戰應變制宜未嘗挫衄若嚴島之戰馬山之陣是其最者也因是觀之其所以自鑒之効不亦大哉昔者關雲長勇爽重義好讀左氏傳然其伐魏負勇輕進遂爲吳軍所襲殺視之公之百戰不敗者其優劣果何如也嗚呼公明達如此宜乎信義之譽忠勇之名永照丹青而稱揚於宇內也雖然公所謂



天授非人力也

全

森脇退藏

此書隨浪公之親筆也藏之吉川氏蓋三百年余拜閱之金匱重函發函卷册四十册附書目合四十一卷標褫濃青色箋今存古裝書體真文之國字心畫端正一點一鈎不苟四十餘卷訖終如始每卷尾題永祿某年月元春寫數字係硃筆公椽筆之大可想矣按公年譜永祿六年癸亥齡甫三十四閏十二月起業越八年乙丑八月卒業經年者三累日者五百三十餘日而癸亥乙丑即尼子陣也此書也南北五十餘年皇運泰否霸政盛衰之跡諷刺直叙縷綿致意蓋縉紳隱筆逃禪所以漏忠憤而不詳作者可惜自足利直義燒書摸寫相傳慶長中始梓且試與此書目校異同詳略不同書體亦有真草之別余十二三歲始讀參考太平記知有島津本毛利本而皆無由觀今閱之竊謂毛利本是矣或云公摸本係大內

之秘書蓋舊本也夫室町之季天下之亂極矣公生干戈之中馬上乃能磨文墨弄彤管何也聞武田信玄在陣中每手抄左氏傳自加標註正與公同世同事物移星換宛然想見其文采風流英雄之閑日月不易窺矣世稱信玄爲人類魏武公善戰類孫策各有得於書焉余謂不足以悉公也公夙拘撥亂之大志翼戴宗家嚮心於王室全倫理綱常於亂世此乃公一生之本領矣其筆此書亦安知非表其志以貽孫謀哉公沒二百五十餘年後唱義於天下鎮西有島津山陽有毛利而能翼戴宗家俱勤勞王事者公之孫子也公儻預睹之耶要之慶應之亂猶元弘之變而尊王之說皆起于藏此書之家余知其果非偶然矣則與彼姦雄徒枕藉兵書數絕倫理以眦睨神器者噫豈可同日而語哉今後又數十百年物移星換公之孫子視于此書而想其爲人又察其意所在眷々鑒於斯則此書謂吉川氏之金匱亦不可耶閱了盥手秉翰謹書卷尾



告隨浪公祭壇下文 從五位 吉川 經 健

維明治十有九年十一月二十五日值公三百年祭東京移住之主經健爲公十五世之裔敢盥沐拜手謹捧蕪辭以祭公之靈伏惟古之所謂大丈夫者威武不足以屈富貴不足以動辨口不足以惑聲色不足以移蓋其天稟勇敢剛正忠貞之節友愛之情蘊於內而溢於外是以切耀當世澤浹民庶名照後代福及子孫是古今所絕無而僅有若公其足以當之乎享祿弘治之際天下之亂極矣臣弑其君者有之子殺其父者有之禮義廉耻之風殆絕焉公輔洞春公興山陽略山陰誅姦討暴名義赫々譬若鳳鳥驚于鷗臯之群玉樹抽于荆棘之叢誰不畏服而仰止哉馬山之役秀吉率八萬勁兵而來侵將士交勸避其鋒而公笑不顧也高松之和公卽告老大坂之盟特不與焉今推其志不手執弓箭誓不見秀吉也豈非威武不能屈者哉公位不過四品而秀吉爲關白蓋其心德公多若勉

屈下位將充於器而公不屑也其征九國固請公會師禮辭甚恭至約封筑前而公弃如弊屣也豈非富貴不能動者哉公之待惠瓊不少假顏色辨口何足惑哉公之撰伉儷不敢問美醜聲色何足移哉此皆足以見其勇敢剛正之氣矣其輔幼主效忠貞之節其處兄弟盡友愛之情其遇諸將其於敵國與隣國無之而非信義也是則蘊於內必溢於外古之所謂眞大丈夫者歟史稱公齡甫十二始擐甲從軍年五十七卒小倉陣營蓋南征北伐大小戰七十有六回未嘗取一敗以能保洞春公基業可謂功耀當世者矣當此時海內瓜分盜賊蜂起老者苦稅斂壯者勞召募殺戮無辜之民不知幾千萬也而我兩道十三州不毫受他國侵掠其民老叟畝之中賴得以息生焉可謂澤浹民庶者矣當時倫理掃地父子相戮兄弟相屠如甲越織豐數氏適榮於一時而或汚名於千歲獨公節義凜然耀萬世其嘉猷偉略史不絕書焉可謂名照後代者矣抑織豐甲越亦皆



祭典類考  
一世之雄也而其孫子今何在幸而存者或至微而不顯不肖經健能得全家聲於今日與宗家長享其餘慶爲維新之藩閥可謂澤及子孫者矣詩云樂只君子邦家之基又云君子有穀詒孫子不其然哉豈不其然哉恭惟明治 今上皇帝登極之歲錫先考 敕曰曩祖元春朝臣忠勇拔群輔佐宗家勤勞王事爲武門龜鑑同十八年六月山口縣令原某奏請旌公之忠節以祭於社朝廷特許之列縣社經健乃命家人相地於先考館址以宏其祠宇期年而告竣於是乎挈夫人堤氏九月發京航駿海度播洋經藝備到舊封其際見山川城邑之異察民心物情之移俯仰有所感焉夫駿河吾始祖所興之地也播州吾中世移封之土也涉山陽之水望山陰之山憶公用武之跡自廣陵而北西指吉田東盼新莊而其西則日山公與夫人熊谷氏所爰居也今千里陟岵相共俱展塋手親植一株松栢以誌永不諼既而到岩國上先隴又拜公祠悚惕歛涕而去噫山河

遼遠家運悠久寧可想其所據不報於本哉牲肥粢潔蕙蕙悵愴神其彷彿來格庶饗

祭吉川隨浪公文

小野 正弘

今茲明治十九年十一月廿五日實當 隨浪吉川公三百回忌辰舊臣胥謀修祭廣徵海內士人詩歌文章以慰其靈弘久感公義風又躋舊臣之情謹陳蕪辭以表敬仰憶永祿之昔天子行卽位大禮毛利氏納貢賦仗之事載青史赫々猶今公兄弟實佐之毛利氏一夕而誅逆陶義凜千古公實爲其先鋒毛利氏出兵所向無敵遂平山陰山陽領州十三室町將軍屢致使价甲越二將修書納款實公兄弟之勳矣英雄好色其誰不然公乃特擇其醜以收將心妙齡從軍自古所難公則僅十二當衝勁敵優于智者或劣于力公則親斬將擐旗兵馬之間人皆勞擾公則寫史于營中其智其勇未多見比戰及七十六勝乃七十四盛哉馬山之役豐公



兵號八萬公屈之醉臥之間孰不服其膽勇高松之急公排群議欲誓與賢弟併命孰不感其友情豐公之猾先講和後告變公乃不肯前約反贊義舉蓋當是之時舉一世奔競於智勇故健鬪善戰出奇制勝者不乏其人但存倫理於傾奪之間辨義利於攻畧之中其行誼卓然出類拔萃誰能及公者而反受豐公願使遂至疽發不起悲夫抑又有告公明治之初廢七百年沿襲之霸業張一千年解弛之王綱截東北平西南于佐賀于台灣師出岡不利所向皆服而毛利氏多士每以文武策勳于其間天子實勅敬親公曰撥亂反正汝與薩藩之力之由室町以降毛利氏忍威逼於多歲君臣上下之情鬱積於累世者於是一朝而暢矣雖云彼士人明承祖猷之由然公父子兄弟之靈未嘗一日不暗贊冥助於其間也今也治化統一交及萬邦攻城野戰之勇無復用焉然雄時大國情在不測非復曩時一島之天地而宇內爲豐公其人者又不知其幾非得堅剛不撓

能如公者安能免凌侮於將來乎非得厚倫理晰義利如公者又安能維持旣張之王綱乎瞻仰遺風不特舊臣王朝士人皆當同然捧書靈前無任懇到尙饗

讀元春公略譜

村田昌寬

世之論者多稱公以其勇武無所屈撓謂大阪之尋盟愧屈秀吉使二子代往西海之役憤爲其驅使食鮭而死可以見也是豈真知公者乎哉公之盡力於宗家深謀遠慮死生以之如其勇武善戰所向無前亦其餘事而已蓋秀吉起于微賤遂制天下故家名族之強梗者殊其所不悅而公以英資生于閥閱之家長于百戰之中且其居逼近畿秀吉之尤所忌也大阪之盟公一舉足而虛國則彼窺間伺隙生不測之變亦不可知也西海之役使爲先鋒公托疾而不起強請而後始往公素知爲彼所忌且謂全生恐禍及宗家不可不防之於未然會知鮭中有謀遂決意啖之耳隆



景公晚年養秀秋以禍嫁于己家世皆稱之而公之誠忠深謀遠慮致身於宗家者或爲勇武善戰所掩可不惜乎余故表以出之

跋

是爲家祖元春三百年祭典雅藻也去年方其祭時誼故諸氏數輩相謀廣需大方君子之吟咏以供之祭壇歌凡三千首合詩及文章數百篇何其夥而盛哉今茲冬十一月家扶下連城輯爲冊子付諸剞劂將贈詠出君子今經健置一言于卷末禮云祭之日入室儼然必有見乎其位周旋出戶肅然必有聞乎其容聲是蓋誠敬之心有于中而自然通其神也今集中之什不啻錚々金石之聲或雄渾而典麗者沈鬱而



壯快者各因題咏曲寫祖先之昔日而不遺三百歲之下使子孫若身接其馨咳而目視其事蹟齊祭之際誰有不儼然而親肅然而畏者乎嗟今而後春禘秋嘗之日擴充誠敬之心者亦尚藉此冊子詩云孝子不匱永錫爾類實諸君之謂矣因聊揭瑣言于卷尾以謝諸君厚于祖先亦私庶希家運延及悠久

明治二十年十一月二十五日  
元春十五世孫吉川經健謹誌

明治二十年十一月

吉川氏輯

明治二十一年二月廿日印刷  
明治二十一年二月廿日出版

編輯兼發行人

東京神田區淡路町貳丁目七番地  
山口縣士族

下連城

東京橋區築地二丁目六番地  
東京府士族

印刷人

川崎忠雄



